

李文忠公全書

電稿

卷  
三十二



李文忠公電稿

卷之三十二目錄

寄西安 行在軍機處 光緒二十七年正月初一日辰刻

寄西安 行在軍機處 光緒二十七年正月初一日辰刻

寄西安 行在軍機處 光緒二十七年正月初一日辰刻

盛宗丞轉西安來電 光緒二十七年正月初一日未刻到

盛宗丞轉西安來電 光緒二十七年正月初一日到

盛宗丞轉西安來電 光緒二十七年正月初一日到

江鄂督致盛宗丞 光緒二十七年正月初一日到

盛宗丞轉江鄂督致軍機處 光緒二十七年正月初一日到

寄西安 行在軍機處 光緒二十七年正月初一日酉刻

照譯法國甘緡譯來函 附

寄西安 行在軍機處 光緒二十七年正月初二日辰刻

寄增將軍 光緒二十七年正月初二日午刻

盛宗丞來電 光緒二十七年正月初二日到

寄西安 行在軍機處 光緒二十七年正月初三日辰刻

盛宗丞轉西安來電 光緒二十七年正月初三日到

盛宗丞轉西安來電 光緒二十七年正月初三日到

寄晉撫錫清帥 光緒二十七年正月初三日

寄署滇督丁循帥 光緒二十七年正月初三日

盛宗丞轉華盛頓伍使來電 光緒二十七年正月初四日到

覆盛宗丞 光緒二十七年正月初四日辰刻

華盛頓伍使來電 光緒二十七年正月初四日到

覆華盛頓伍使 光緒二十七年正月初四日辰刻

盛宗丞轉西安來電

光緒二十七年正月初四日到

盛宗丞轉西安來電

光緒二十七年正月初四日到

寄西安

行在軍機處

光緒二十七年正月初四日申刻

寄西安

行在軍機處

光緒二十七年正月初四日申刻

寄西安

行在軍機處

光緒二十七年正月初四日

盛宗丞致周藩司

光緒二十七年正月初四日到

周藩司覆盛宗丞

光緒二十七年正月初四日到

盛宗丞轉西安來電

光緒二十七年正月初五日到

寄西安

行在軍機處

光緒二十七年正月初五日未刻

盛宗丞轉西安來電

光緒二十七年正月初五日到

江督劉來電

光緒二十七年正月初六日到

盛宗丞轉西安來電

光緒二十七年正月初六日到

盛宗丞轉日本答書

光緒二十七年正月初六日到

寄西安 行在軍機處

光緒二十七年正月初六日午刻

盛宗丞轉西安來電

光緒二十七年正月初七日到

寄西安 行在軍機處

光緒二十七年正月初七日申刻

盛宗丞來電

光緒二十七年正月初七日到

江督劉來電

光緒二十七年正月初七日到

江督劉來電

光緒二十七年正月初七日到

寄馬軍門晉撫錫

光緒二十七年正月初八日

寄西安 行在軍機處

光緒二十七年正月初八日辰刻

寄西安 行在軍機處

光緒二十七年正月初八日辰刻

盛宗丞轉榮相等來電

光緒二十七年正月初八日到

寄西安 行在軍機處

光緒二十七年正月初八日

盛宗丞轉西安來電 光緒二十七年正月初八日到

盛宗丞轉西安來電 光緒二十七年正月初八日到

盛宗丞轉西安來電 光緒二十七年正月初九日到

盛宗丞轉倫敦羅使來電 光緒二十七年正月初九日到

寄美英日德四使 光緒二十七年正月初十日辰刻

寄西安 行在軍機處 光緒二十七年正月初十日辰刻

盛宗丞轉西安來電 光緒二十七年正月初十日到

寄彼得堡楊使 光緒二十七年正月初十日

盛宗丞轉西安來電 光緒二十七年正月初十日到

江督劉來電 光緒二十七年正月初十日到

寄南京交仲彭 光緒二十七年正月十一日巳刻

寄西安 行在軍機處 光緒二十七年正月十一日巳刻

江督劉轉柏林呂使來電

光緒二十七年正月十一日到

署滇督丁來電

光緒二十七年正月十一日到

彼得堡楊使來電

光緒二十七年正月十二日到

日本李使來電

光緒二十七年正月十二日到

滇藩仲姪來電

光緒二十七年正月十二日到

寄滇藩仲姪

光緒二十七年正月十二日

晉撫錫來電

光緒二十七年正月十二日到

寄彼得堡楊使

光緒二十七年正月十三日

華盛頓伍使來電

光緒二十七年正月十三日到

晉撫錫來電

光緒二十七年正月十三日到

盛宗丞轉西安來電

光緒二十七年正月十四日到

盛宗丞轉倫敦羅使來電

光緒二十七年正月十四日到



盛宗丞轉華盛頓伍使來電  
光緒二十七年正月十四日到

盛宗丞轉榮相等來電  
光緒二十七年正月十四日到

盛宗丞轉西安致各駐使  
光緒二十七年正月十四日到

盛宗丞轉江督劉來電  
光緒二十七年正月十四日到

寄江督劉峴帥  
光緒二十七年正月十五日

寄西安 行在軍機處  
光緒二十七年正月十五日辰刻

盛宗丞轉 行在致俄 國書  
光緒二十七年正月十五日  
光緒二十七年正月十五日

晉撫錫來電  
光緒二十七年正月十五日到

寄晉撫錫清帥  
光緒二十七年正月十五日申刻

李文忠公電稿卷三十二

全集五之三十二

桐城吳汝綸編錄

寄西安 行在軍機處

光緒二十七年正月初一日辰刻

頃據英薩使照稱歸化城武官周尼思一案今得親眼目睹該員被害細情之人供稱華歷本年六月十八日周尼思經中國兵隊由包頭送往歸化城該城兵隊將周尼思帶至同知署復帶往道署鄭道文欽不肯保護周尼思投宿旅店次早復往道署請照未發鄭道赴綏遠城見將軍永德遂派旗兵五百往歸化城鄭道回署周尼思再往道署鄭道坐堂列兵令其長跪詢何國人所司何事答以游歷畫圖呈圖請閱鄭道令兵將周尼思綑縛或云周尼思手插入袋鄭道疑取手鎗揮令下堂行至署外有人從背後推跌兵卽持刀向斫登時遇害該兵至客寓將從人四名押禁廳獄

二名旋餓死二名解回湖南原籍周尼思行李被搶書籍被焚九十冬月屢有公文偵詢將軍巡道均諉不知等情查周尼思係本國大行君主欽命之員護照載明請各處官員照約保護該員因中國所允查考鐵路沿途各官皆照約相待不圖將軍巡道故悖成約安心謀殺將無辜游歷者無端狡謀陷穽慘殺斃命無論如何措詞毫無可原之處本大臣意見業已聲明合將所討抵償各情卽行指出四天之內應由八百里加緊驛站飛飭將該將軍永德立卽捕押監禁當於英武官周尼思被殺處所與旣已監禁之巡道鄭文欽一同斬決尙有討者該二員因何獲罪如何懲辦由軍機處發鈔所擬鈔稿於未發之前先行送與本大臣閱看等語前據奎順查覆鄭文欽將周尼思延至道署問話送至西轅門卽被拳匪殺斃委員原稟亦稱該道以拳匪塞責語屬難信其爲該

道擅殺毫無疑義等語則鄭文欽擅殺無辜按諸中國律例亦應擬抵綏遠將軍永德派兵至五百名之多是否意在殺害英官雖無證據惟事前輕派兵隊事後又諉不知今英使有詞殊難折服況該使悍戾險很迥異尋常當此懲辦禍首大案未定適滋多口合將英使照會擬請以永德鄭文欽擬抵各情電請代奏伏候宸斷施行劄鴻

寄西安 行在軍機處

光緒二十七年正月初一日辰刻

昨奉電 旨英年趙舒翹賜死不致再生枝節卽妥察情形電奏請旨等因欽此旋接領銜大臣日國葛使照稱接准來文轉送諭旨三道當由本領銜大臣轉致諸國全權大臣查閱之後屬向貴王大臣聲明此 諭旨內並未提及諸國全權大臣論列 諭內各節所核定之端諸國全權大臣以爲頒發之時 皇上尙不

得知本領銜大臣華歷十二月二十日所發文內述及所核定各端是以諸國全權大臣屬向貴王大臣聲明爾日文內各節之意毫無更改合請從速將如何照辦之處卽行示知爲盼等因查此事連日與各使會晤均稱十二月二十日照會所敘不能更易一字詞氣決絕與來文相同斷難再與磋商至英年趙舒翹賜死是否不至再生枝節亦難先向約明揆度情形如能將端瀾加斬監候字樣英趙一併賜死或者不至決裂啟秀徐承煜如果先定死罪屬其交回較易商辦若先令交出彼必不允恐蹈廷雍故轍轉傷國體應如何從速辦結之處候 旨遵行請代奏劄鴻

寄西安

行在軍機處

光緒二十七年正月初一日辰刻

今日五鼓連發三電奏計達覽廿五 明諭語甚嚴厲各使猶多挑剔謂意存開脫措詞亦多未當各使館頗多通曉漢文之人從

旁峻聳此後遇有明發 詔旨務祈加意檢點須與廿日各使照  
會針鋒相對除端瀾英趙啟徐諸人已電奏聲敘其已死各員該  
使原文定以斬立決既係已死其干係地步例應與生罹斬罪者  
同探係暗指戮屍而言三人中惟剛毅情節最重卽戮屍亦不爲  
過徐李應由尊處酌裁至監視行刑一節可否飭地方官令附近  
教士到場監視以示大信總之各國兵已預備啟行事勢危急似  
不得不曲徇所請忍辱負重外臣之責亦樞軸之責務望竭力維  
持倖免決裂 宗社生民之幸 鴻

盛宗丞轉西安來電

光緒二十七年正月初一日未刻到

奉 旨奕劻李鴻章豔四電均悉朝廷已盡法懲辦禍首而  
各國仍不滿意要挾甚迫現存諸人卽照前次照會辦理實  
因 宗社民生爲重當可止兵不至再生枝節茲定初三日

降旨初六日懲辦惟英趙已無生理或通融賜死啟徐並索  
回自行正法該親王等迅速密籌或倩美日等國及赫德等  
轉圜能否辦到並商明已死諸人不再追咎即日電覆欽此  
盛宗丞轉西安來電 光緒二十七年正月初一日到

奉 旨奕劻李鴻章沁兩電悉著卽電飭清銳晉昌壽長一  
併迅速赴京毋任延宕生事增祺所借華俄銀行款亦著該  
親王等酌定以後不得再借欽此

盛宗丞轉西安來電 光緒二十七年正月初一日到

樞豔勘電代呈奉電 旨飭于撫妥速籌辦完結並將各地  
方官酌量撤換矣

江鄂督致盛宗丞 光緒二十七年正月初一日到

懲辦首禍一案 朝廷極欲愜各國之意俱已從嚴惟趙舒

翹一員似乎所擬罪浮於情此等重案關係國家全局必須  
核實方能有所勸戒眾情自覺允服凡誤國殃民之罪魁中  
國臣民皆所痛恨聞朝廷已擬定斬監候罪名似足蔽辜  
政府決非袒護望閣下飛速轉達外部電飭各使與全權大  
臣切商爲禱卽候示覆坤一之洞同啟豔除轉各使外

盛宗丞轉江鄂督致軍機處

光緒二十七年正月初一日到

頃致軍機處電云兩奉鈞電屬爲啟徐英趙四人解圍坤當  
卽託駐甯英德美領事轉達該使無覆洞致函駐漢英德領  
事轉電各該使前四日英使覆電云查端王載瀾係皇親免  
死其餘英年趙舒翹徐承煜啟秀等四人自無可原之處萬  
難減罪董福祥亦須革職以便將來嚴辦仰該領事聲明辦  
理此事如先未愜各國政府之意實不能再敦邦交等語昨



日德使覆電云各國擬請懲辦罪魁之法核之該罪魁應辦  
罪名甚屬輕減不能改移若中國政府再有耽延照允大綱  
第二款則所開和議必得一概停止實在於中國大有妨害  
等語又日本使自京來電云現爲中國計又爲日本計必須  
早定和局以免別國再生異心惟各國議定幫匪之王大臣  
未經懲辦之先不議其餘條款執意甚堅等語並聞英參贊  
向全權言 朝廷若再袒護必致禍及己身等語詞意橫悍  
決絕恐難挽回今勉遵鈞指電各國星使轉懇外部解勸專  
爲趙一人求減不知能有濟否除已電全權外謹奉覆坤一  
之洞同肅豔等語

寄西安

行在軍機處

光緒二十七年正月初一日酉刻

卅電

旨奉到遣人分詢各使頃英使派參贊傑彌遜來面稱英

趙賜死可通融惟端瀾必須定斬監候隨後可加恩改發新疆永  
遠監禁至已死諸人可不追咎惟須降旨數其罪狀載明本應  
斬決業經身死已奪官撤卹如此可了事監視行刑就近派教士  
往觀亦經首肯啟徐可索回自行正法英既允行各使諒無異議  
德瓦帥派中軍來賀年告以懲辦禍首已奉電旨照前次照會  
辦理該中軍懽欣而去請代奏劄鴻

照譯法國甘繙譯來函

附

曾大人閣下全權大臣慶李派閣下來說各節業已代答畢  
盛葛絡幹矣慶李所吩咐各節現接中國國家電旨按照  
各國公使二月六號卽華十二月廿日所致中國全權大臣  
懲辦禍首照會所應允各節開列如下英年趙舒翹原定斬  
立決改爲賜死並可派附近西安洋教士前往監視以免由

京另派官員前往較爲簡便啟秀徐承煜送交中國全權大臣正法至於各國公使所請懲治其餘各員應照辦如下端瀾應定爲斬監候加恩改爲發往新疆永遠監禁遇赦不赦剛毅徐桐李秉衡旣免戮屍仍應革職以上各節已向各公使面告允照此辦法尙無違礙並請將各員罪案敘入初三日諭旨之內明降惟德國穆使云按端瀾董所應得罪名是否確係按照各國公使二月六號照會辦理答云是美康使言及剛徐李死後是否削職撤卹果全能如此甚好卽希轉稟全權大臣可也

寄西安 行在軍機處

光緒二十七年正月初二日辰刻

前擬第十款保護洋人 諭旨兩道業蒙照發嗣據領銜大臣日葛使照會以各使請將 諭內字句增減並送底稿查所增減字

句並無違礙惟末條地方官處分請將督撫文武大吏及有司各官一概革職永不敘用未免過重經臣等疊與駁辯本日復據該使照會又增入或另有違約之行不卽時彈壓犯事之人不立行懲辦四句似此情節較重自可隨時查酌證據分別辦理並請於八日內降 旨發鈔查擬 旨向不先行互商不料此次該使等吹求指摘限期過緊蓋因第二款懲辦第十款保護皆係懲前毖後連類而及爲不可緩也臣等詳細查核大致旣無甚出入似可曲子通融仰懇俯如所請從速施行並懇由軍機處片行閣部將前次明發 諭旨銷檔勿行請代奏奕劻李鴻章宋增減字句如下第一道匪徒藉仇教爲名句內仇教二字改減洋糾眾立會句下增攻擊各國人民六字以致焚燬教堂句下增各國人民房產等業八字拒捕戕官句下增殺害各國人民六字殺害各國民人

之各城鎮句內殺害下增陵虐二字減去各城鎮之各字毫無歧  
視句下增無論民教四字何得輕聽謠傳句下減去藉詞報復託  
名義憤八字私立仇教各會句改爲私立擅入仇視各國民人各  
會十二字除將爲首之人句改爲將首從各犯五字盡法懲治下  
減去自外字起至問死止共廿五字第二道儻有不逞之徒句下  
減去假託義憤四字陵虐戕害洋人句內洋人二字改爲各國人  
民四字釀成巨案句下增或另有違約之行不卽立時彈壓犯事  
之人不立行懲辦者該管督撫文武大吏及地方有司各官一概  
革職永不敘用下接不准投效他省等句

寄增將軍

光緒二十七年正月初二日午刻

昨奉豔電 旨奕劻李鴻章沁兩電悉著卽電飭清銳晉昌壽長  
一併迅速赴京毋任延宕生事增祺所借華俄銀行款亦著該親

王等酌定以後不得再借欽此希卽節錄此 旨分遞清晉壽三處欽遵何日由藩起程卽轉報由旅順遞京以憑覆奏慶李

盛宗丞來電

光緒二十七年正月初二日到

若專爲懲辦自可止兵但初三降 旨似宜鈞處商擬電請照辦免再反覆

寄西安

行在軍機處

光緒二十七年正月初二日辰刻

昨節錄卅電

旨函知領銜大臣葛使轉致各國全權大臣查照

頃據函覆奉

旨以現存首禍諸人卽照前次各國照會辦理當

由本領銜大臣轉致諸國全權大臣查照並將來函內所云擬初

三日降

旨初六日懲辦會錄存案除載勳毓賢懲辦業已議定

其載漪載瀾必應定以斬監候罪名如以爲應行貸其一死則遣

戍新疆永遠監禁無論如何日後不得再行減免英年趙舒翹絞

立決董福祥應從速先奪其兵柄一俟機緣可行卽當斬決徐承  
煜啟秀交出自行正法剛毅徐桐李秉衡應卽追奪官職查如此  
懲辦諸國全權大臣似可允行至英年趙舒翹擬由諸國全權大  
臣自行設法以便確知係其正身屬請貴王大臣將所有餘人於  
何日何處處決逐一示悉等語臣等查載漪載瀾既定以斬監候  
罪名則遣戍新疆一層似一月後降旨加恩亦無不可英年趙  
舒翹如賜自盡似與絞立決無異惟洋性多疑彼擬自行設法確  
知係其正身是前電所擬令附近教士往觀可毋庸議各員於何  
日何處處決卽望示悉以便轉告請代奏劄鴻

盛宗丞轉西安來電

光緒二十七年正月初三日到

樞東一東電一二已均進呈卅電想已到初三降旨擬端  
瀾由斬監候加恩遠禁英趙賜死啟徐索回自辦聽其監刑

剛定斬決已死免議徐李係殉難較剛爲輕已革職請免議  
惟來電可否令教士監視一節恐一時民心鬩動非但登時  
或傷教士後禍尤不勝防緣趙公論皆極稱冤陝甘人尤憤  
也莊毓已派員監視在京者彼可監刑已屬照辦是各國照  
會其實處均已辦到惟虛處節目略予通融當合照允希密  
籌速電覆東三電後到容另覆

盛宗丞轉西安來電

光緒二十七年正月初三日到

樞冬二奉 旨奕劻李鴻章東三電悉前據奎順查覆署歸  
綏道鄭文欽戕害過境洋官周尼思屬實自應從嚴懲辦鄭  
文欽著卽行正法惟綏遠城將軍承德據奎順查無派兵之  
事論洋官一人亦何至派兵五百之多究竟是何實情自應  
確切查明再辦承德著先行革職聽候查辦該親王等卽就



近傳旨令奎順復查實在情節如果永德實有縱令戕害洋員確據定行重懲俟定案明發諭旨時先行送與英使閱看再行發鈔卽著奕劻李鴻章照此辦法切告英使卽行電奏欽此

寄晉撫錫清帥

光緒二十七年正月初三日

准軍機處冬電奉旨奕劻李鴻章東三電悉前據奎順查覆署歸綏道鄭文欽戕害過境洋官周尼思屬實自應從嚴懲辦鄭文欽著卽行正法惟綏遠城將軍永德據奎順查無派兵之事論洋官一人亦何至派兵五百之多究竟是何實情自應確切查明再辦永德著先行革職聽候查辦該親王等卽就近傳旨令奎順覆查實在情節如果永德實有縱令戕害洋員確據定行重懲俟定案明發諭旨時先行送與英使閱看再行發鈔卽著奕劻李鴻章

照此辦法切告英使卽行電奏欽此等因除行文奎都統欽遵外  
查已革署歸綏道鄭文欽前已傳 旨革職電令聽候查辦並請  
發交看管茲欽奉前因應請查明該員無論行抵何處卽行傳  
旨正法奏報 行在並電覆做處勿稍徇飾以免外人藉口慶李

寄署滇督丁循帥

光緒二十七年正月初三日

漾電及李藩司儉電均悉當卽函致畢使並派繙譯聯道芳前往  
面商頃據回稱畢使言方性暴躁亦所素知已有訓條誠飭令其  
遇事與滇官和平商辦並飭教士不准再收痞徒流民如能指出  
滋事實據更易詰責等語至修路賠費畢使意欲在京商辦此閒  
相距太遠未便遙度應由尊處就近詳查酌辦切勿推諉朱道有  
基二月閒始能起程并示李藩司慶李

盛宗丞轉華盛頓伍使來電

光緒二十七年正月初四日到

伍使東電宙趙斬監候美允照辦已電康使德帥擬集聯軍  
西上已商允美不與謀並勸俄日勿附和惟事難料和局似  
宜速結免生枝節乞密轉慶邸李相峴香二帥云邸相可否  
託美使一商乞鈞酌

覆盛宗丞

光緒二十七年正月初四日辰刻

各國堅持趙死罪非美能獨異昨已降旨應毋庸議全權爲趙  
事力爭數日舌敝唇焦尊意尙疑全權欲殺趙謬矣瓦帥西行可  
中止祈轉伍

華盛頓伍使來電

光緒二十七年正月初四日到

頃美外部面交節略謂去年美請各國保全中國疆土均答  
允今切勸中國勿與一國立密約讓地或借款別給利益恐  
有大礙蹈危機希達政府見覆等語乞示

覆華盛頓伍使

光緒二十七年正月初四日辰刻

英德日本義奧來說與冬電同答以何不自與俄商俄議交還東三省並無讓地之約莫誤會

盛宗丞轉西安來電

光緒二十七年正月初四日到

樞江一光緒二十七年正月初三日內閣奉 上諭此案首

禍諸臣昨已降旨分別嚴行懲辦茲據奕劻李鴻章電奏按照各國全權大臣照會尚須加重懇請酌奪等語除載勳已賜令自盡毓賢已飭卽行正法均各派員前往監視外載漪載瀾均定爲斬監候罪名惟念誼屬懿親特予加恩發往極邊新疆永遠監禁卽日派員押解起程剛毅情罪較重應定爲斬立決業經病故免其置議英年趙舒翹昨已定爲斬監候著卽賜令自盡派陝西巡撫岑春煊前往監視啟秀徐承

燬各國指稱力庇拳匪專與洋人爲難昨已革職著奕劻李鴻章照會各國交回卽行正法派刑部堂官監視徐桐輕信拳匪貽誤大局李秉衡好爲高論固執釀禍均應定爲斬監候惟念臨難自盡業經革職撤銷卹典應免再議至首禍諸人所犯罪狀已於前旨內逐一明白聲敘矣欽此

盛宗丞轉西安來電

光緒二十七年正月初四日到

樞江二東四電已進呈本日奉有明發諭旨一道卽照來電辦理應由京城發鈔惟教士監視一節實係窒礙昨電已詳言之董事緩辦上諭內不便明言如詢及告以已查照密旨存記備案總須和局大定有辭撤其兵柄撫定人心再行設法辦理萬難急遽從事宋電請改諭旨兩道已照來電改正仍填十二月十三日應如何補行發鈔之處並請

酌行

寄西安

行在軍機處

光緒二十七年正月初四日申刻

楊使東電俄主覆書其文曰大俄國大皇帝敬問 大清國大皇帝好貴國出使大臣呈遞賜書詞意甚摯實獲我心此次中國內亂俄辦理一切顧重邦交知已在洞鑒之中敝國會明白宣布俄辦東方事未變宗旨要不外保我鄰邦自主而已現承雅意申謝可見 大皇帝深明此意惟無稽謠傳有惑 聰聽致謂滿洲之事改變初議深以爲異實大不然各統領所奉訓條一如本國屢次聲明之語本國政府擬與貴國全權大臣商議者止欲尋二三百餘年鄰好而愈加篤並不欲稍礙 大皇帝主權且亟欲將滿洲全歸中國向治一切悉照俄兵未據以前辦理惟詳細情節自應訂明俾中國官吏次第復舊免再滋變擾我邊疆凡茲情節此次

均應訂明所有發給貴國全權大臣訓條務令所商之事易於成  
功俾於中國大有益之舉迅得施行是爲至盼中國經此事故恢  
復舊規永保太平暨兩國歷久不渝之交誼益加堅固彌殷厚望  
惟大皇帝鑒此心焉云勳鴻

寄西安

行在軍機處

光緒二十七年正月初四日申刻

楊使卅電約稿十二款節去閒文電陳一俄主願表友好不念滿  
洲開衅之事允將滿洲全行交還中國吏治一切照舊二東省鐵  
路合同第六條准該公司設兵保路現因地方未靖該兵不敷須  
留兵一股至地方平靖及中國將本約末四款辦到之日爲止三  
如遇變急留駐之兵全力助中國彈壓四此次與俄攻擊華兵尤  
甚中國允於路工未竣及開行以前不設兵隊他日設兵與俄商  
定數目軍火禁入滿洲五中國爲保安地方計凡將軍大員辦事

不合邦交經俄聲訴卽予革職滿洲內地可設馬步巡捕與俄商定數目軍械除礮供差不用他國人六照中國前允成議中國北境水陸師不用他國人訓練七爲保安地方計租地約第五款隙地由地方官就近另立專章并將專條第四款金州自治之權廢除八連界各處如滿蒙及新疆之塔爾巴哈臺伊犁喀什噶爾葉爾羌和闐于闐等處礦路及他項利益非俄允許不得讓他國或他國人非俄允許中國不得自行造路除牛莊外不准將地租與他國人九此次俄兵費各國賠款均應清還俄名下賠款數目期限抵押與各國會同辦理十被毀鐵路暨公司工師被劫產業又遲誤路工賠費均由中國與公司商賠十一上項賠款可與公司商定將全數或分出若干以他項利益作抵該利益可酌改舊合同或另讓利益十二照中國前允成議自幹路或枝路向京造一



路直達長城照現行路章辦理外部云現因看重貴國邦交貴大臣切屬經俄主戶兵部一再籌議凡可讓之處淘汰已盡所存者均不可少之款若尙未如貴國意實不知辦法等語細譯款留兵名爲保路實注意末四款禁運滿洲軍火禁用外人練兵并及北省水陸蒙滿新疆均有金礦礦路利益一網打盡又建入京枝路鐵路賠款用他項利益相抵蓋指關稅路礦等事隱而未露其侵我兵權利權以圖自便可謂周密深遠凡此均彼牢不可破之成見特乘此時藉此約要求而條訂之也惟據稱六款十二款我早允之禁我設兵指路成以前爲時尙暫禁運軍火係倣京約懲換大員不始今日內地彈壓本不須礮長城以北由俄經營英俄早有成約又較戶部口述之款刪去商放將軍派文武員稽察兩節又稍減明索權利之款罷派文武員尤免轆轤至增阿暫章之一

二四五六款暨繳軍械等事均未開列此卽彼所謂可讓者已盡讓也玩彼語氣甚堅各款應如何分別允駁仰祈訓示機宜乞代奏云劄鴻

寄西安

行在軍機處

光緒二十七年正月初四日

現據兼理直隸藩司高驂麟密稟駐保德提督言現接廣昌華軍來函如德兵到彼必與接仗此言與戰書無異已調德兵前往如華軍不退卽令開礮等語此事變出意外特密稟聞等情查山西藩司升允現駐廣昌所部先與法人互鬪傷彼數人法兵報復擊斃我軍二三十名正飭排解乃又與德人挑衅揆其意似在阻撓和局但事機至急升允又素不知兵萬一開衅必致禍延晉省有礙大局惟有請旨嚴飭錫良升允將所部撤回晉境斂兵扼守不得無故生事致干重咎請代奏劄鴻

盛宗丞致周藩司

光緒二十七年正月初四日到

吉綫已據局員稟報照商綫收回奉綫增帥來電須緩前經  
吳王允商既奉相諭各處官電准歸商局接辦請相賜一電  
以憑電請欽使並派員與俄官酌議椒孫未知所在弟俟第  
十一款開議遵當來京乞轉稟

周藩司覆盛宗丞

光緒二十七年正月初四日到

電悉接收官電事相已電告如語句須變通請公斟酌通商  
與理財表裏禍首辦過即須開議邸相盼公早日來京籌議  
盛宗丞轉西安來電

光緒二十七年正月初五日到

樞支一啟徐已被拘不能不請 旨定斬決以冀索回自辦

今既允交回自應於初六日再辦若及此時明告兩人知無  
可逃死速即自盡各國當可商允即使戮屍亦較駢首稍為

心安請酌辦

寄西安 行在軍機處

光緒二十七年正月初五日未刻

支一電悉啟徐拘留日本營房看守嚴密前日曾以自盡一節商  
之日本使渠不肯允謂各國皆知正法礙難再改詢以該武官曾  
勸其自盡何爲不可渠云今非昔比必須遵 旨辦理並不願交  
回歸刑部監禁只肯於派員迎提時由該國派兵逕送至市再三  
商酌始允送交刑部略一耽擱卽隨同刑部堂官押赴市曹正法  
似此情形斷難再與商議且聞近日防守加嚴更難設法密通消  
息惟有浩歎而已慶李

盛宗丞轉西安來電

光緒二十七年正月初五日到

樞支二江電已進呈莊於山西蒲州府城賜令自盡派葛寶  
華監視英趙於陝西臬監賜令自盡派岑春煊監視均定於

初六日照辦毓賢已抵甘肅省城卽派何福堃監視行刑日期俟覆奏再電聞云

江督劉來電

光緒二十七年正月初六日到

呂使豔電外部函約往晤據稱和議未結以前中國最好不與他國及公司定約將土地銀錢等利益相讓於中國甚有裨益云又豔二電外部云德所注意者在懲罪賠費此事議結後再商如何便於朝廷還京之處均乞代奏並轉慶李張云除電樞外謹電達

盛宗丞轉西安來電

光緒二十七年正月初六日到

奉旨諭奕劻李鴻章懲辦首禍一案業經按照照會辦結則和局亟應早定以便商令撤兵所有各條亦宜迅速妥商籌辦毋再宕延昨擬改諭旨二道不得已均照來電更正頒

行惟必須將傳教一事定立妥章以免後患無窮官民交困  
儘可約同不傳教之俄日兩國及雖傳教素最和平之美國  
公議教士不得再有欺陵平民干預詞訟等事向法德英三  
國會議妥定約章永遠遵守總期日後民教相安若一味嚴  
束平民激成大變卽各國教士教民亦大有不利而中國之  
大員地方官不勝罪愆民情怨憤人才消沮何以爲國此次  
大亂亦實因教民平日欺侮良民積忿莫洩拳匪因而煽惑  
所致聞各國公使亦頗知此中情形務趁此商議條款之時  
一併妥籌商定平允專條以杜後患是爲至要欽此

盛宗丞轉日本答書

光緒二十七年正月初六日到

頃外部呈交日主恭答國書一道其文曰大日本國大皇帝  
復問 大清國大皇帝好頃接電稱各大國會議要款貴國

現已次第議商照辦等語殊深欣慰所有賠款一層念各大國亦必量貴國之力安定數目日內應向大皇帝全權大臣面提屆時迅速批准宸廑時局早日了結不勝切望之至理合電呈請代奏盛鐸支除轉樞外

寄西安

行在軍機處

光緒二十七年正月初六日午刻

前致楊使勘電將日本英使議轉告請與俄酌商嗣德美義奧先後來轉致其政府電均同鴻謂諸國何不徑與俄政府商辦彼謂此事應由中國作主復面商俄格使格云應置不理此我兩國之事與各國無干頃接楊使冬電勘悉日外部言暨英政府電均以東事應歸公議其設謀用意甚深諭旨飭斟酌妥籌仰見朝廷鄭重至意竊以照尊意所屬切商俄各部一節有不得不通籌熟計者當兩月前格使述政府意願將東事在俄分議彼時卻之

甚易逮已派全權專商而約款未就欲圖緩議亦尙未晚故儒儉  
電亦有暫緩之擬乃國書已遞約稿已交俄主覆書且催早訂  
今我忽欲改圖恐彼非置不理卽嫌我猶豫不理則告猶不告猶  
豫則更加藐視儻一言不合竟罷交收在儒儻事之失小而關繫  
全局實大再圖補救遲矣愚昧之見如朝廷決意不欲另立約  
章應先請旨收回全權之命並由儒與格使同時傳旨告俄  
外部改歸北京公議一面請英日政府徑商俄政府俄不異我尙  
畏公論我不便觸俄怒而英日尙不致畏俄俄亦不致遷怒於我  
況中日同洲英德有約旣云應歸公議據理折之振振有詞不爲  
越俎竊慮彼恐傷俄好不肯告俄聳我自言特預爲效尤地萬一  
俄因此決裂卽另立約章亦不商議歸地彼效尤者更爲得計大  
局尤不可問儒非惜一啟口之勞惟轉圜之計必須預籌謹候訓



示遵辦請代奏云臣等查俄國書已覆約稿已交斷無收回全權之理格使雖云不理當已密告其政府可否仍令楊探詢各部門氣若何再與從容議約急脈緩受爲宜勸鴻

盛宗丞轉西安來電

光緒二十七年正月初七日到

奉旨奕劻李鴻章蒙電悉廣昌華軍有函致駐保德提督與戰書無異似意在阻撓和局等語已電飭錫良升允將防營撤回晉疆扼守定明界限各不相犯免滋事端同日接錫良歌電據稱去臘初聞洋兵退出浮圖峪仍不時往來德國副帥函致防軍各營云祇看長城不到廣昌嗣途中相遇亦接以禮並無決裂痕迹忽於初二早洋兵突分三路來撲廣昌萬本華婉爲勸阻彼竟鎗礮齊施傷我弁兵數百人不得已退守艾河初三日洋兵又撲安子嶺士卒民團死傷大半

龍泉關守將等退至長城嶺各等語似係有意尋衅所稱致書德提督究竟有無其事現在首禍一條已照懲辦原期早定和局細議各條今又藉口進兵設我兵撤回山西界內防守險要全失洋兵仍復西進不已大局何堪設想著該親王等迅與各使婉商務令洋兵撤回勿再四出滋擾以保和局是爲至要欽此

寄西安 行在軍機處

光緒二十七年正月初七日申刻

頃俄格使來鴻章寓中痛陳俄京約款一事中國如聽各國讒言不願立約則東三省必永爲俄有試問東省係何國所佔係由何國交收各國豈能攙越告以約款有過當處應由楊使與各部駁辯如第六款北境水陸師不用他國人教練前使巴德羅福曾有照會總署並未允定十二款自幹路或支路造路直達長城巴使

亦有此說並未明言至京今忽添向京二字此二節並非已允成  
議八款蒙古新疆連界各處礦路利益不得讓他國是歸俄壟斷  
他國若見此約必犯眾怒其實蒙古新疆並無他國覬覦礦路利  
益者各國禁運軍火正擬商改年限東省亦不應永禁凡此皆當  
由楊使逐細磋商貴國切勿性急格遂謂交還東省本國兵部及  
武官皆不願幸外戶部力持若聽各國浮言猶豫不定兩國邦交  
大局甚有窒礙且各國無以此語告我政府者獨以不干已事與  
中國爲難必當置之不理除電楊使外請代奏勸鴻

盛宗丞來電

光緒二十七年正月初七日到

浙余撫電已革衢鎮喻俊明除日在甯病故峴帥已告知江  
甯英領事屬爲電達

江督劉來電

光緒二十七年正月初七日到

駐滬日本總領事電稱刻奉加藤大臣電開俄國索求一節  
本大臣電飭林欽差密告英外部以中國意在不允旅順條  
約際此時機日英兩國各告駐紮兩國華使轉告政府中國  
此時與某一國訂定某國條約允某國獨享利益又允某國  
壤土之權卽與中國之安全大有干礙等語並告現爲中國  
計一切條約必須與各國公同商辦纔能保全中國等語則  
與中國有益等因准林欽差電覆英外部言英國已告駐英  
羅使爲中國計與別國另立壤土之條約甚爲可危此項條  
約斷不可與某一國訂立等語英外部又言德政府亦允以  
前議各節告之駐德呂使又言日英德三國如此忠告必與  
中國有裨等語林欽差又稱英國某官言德政府擬卽勸告  
駐德呂使爲中國計北京和約未結之先與一國另立壤土

財政之約大於中國有害等因奉此足見日英德三國於滿洲一事意向相同云除電樞府外謹電達

江督劉來電

光緒二十七年正月初七日到

駐滬日本總領事電奉加藤大臣電開俄國要求一事駐燕欽差已遵本大臣之意繕就一書密交慶邸李相並請其電達行在駐燕英德兩使亦定出於一同辦法東歷廿日准駐燕欽差電稱駐燕奧使伊奉本國來諭照日本辦法而行同日又准駐美欽差電稱此次東三省一事日本勸告中國各節美國主亦以爲然已命繕就一書送交駐美華使等因奉此貴國另與俄國立約各國皆不以爲然各國之意實在暗助貴國拒絕俄議仍望貴國力拒以保大局云除電樞外謹電達

寄馬軍門晉撫錫

光緒二十七年正月初八日

魚電悉昨據德穆使及瓦帥均稱先因懲辦禍首案議未定豫備  
進兵派隊探路至廣昌鞍子嶺等處遇我軍小戰嗣聞懲辦定案  
卽退至保易之交駐紮不再前進等語我軍旣經退讓彼亦無意  
西趨可無疑慮慶李

寄西安

行在軍機處

光緒二十七年正月初八日辰刻

魚電

旨敬悉德穆使昨來晤稱德兵小隊在廣昌遇我兵接仗

因懲辦禍首已經定案遂不前進頃周藩司往見瓦帥據稱前豫  
備進兵先遣隊探路至廣昌突遇我軍彼此交戰彼傷八人我軍  
傷斃二百餘安子嶺亦小戰聞懲辦已定案德軍卽不前進退至  
保易之交以後不再派兵深入等語目下和局粗定洋兵旣不西  
進晉軍卽退守本界自可相安無事請代奏劄鴻

寄西安 行在軍機處

光緒二十七年正月初八日辰刻

頃接法畢使函稱現又接河南教士信內稱河北岑道滑縣呂令  
安陽石令煽惑居民地方大亂拳匪各處游行凡教士教民所餘  
財產復行焚燬洋人性命深爲可慮懇請按照前次所開各官趕  
緊懲治內中所最要者惟岑呂石等並求嚴飭河南撫台立即設  
法認真保護教士教民並懇於該案賠款內先給銀五萬兩以便  
修整各處望爲照准等因查畢使此次函內指請懲治三員內岑  
道呂令雖已改調但另委別缺仍難甘服滑縣呂令並未撤換恐  
更噴有煩言當此和議開辦之時未便使有藉口再生枝節應請  
旨速飭豫撫嚴辦至撥銀一節除已付交辦結各處外實在尙  
須賠給若干應由豫撫會商主教迅速查明賠還了結除電豫撫

外慶李

盛宗丞轉榮相等來電

光緒二十七年正月初八日到

豪電已有旨矣時局至此亟盼和局早成何人尙敢阻撓據報廣昌華軍致函德提督之事難保非漢奸偽造從中挑衅究竟此函係何人出名如何遞到德提督處高署藩司曾否目覩此函務請設法轉飭確切查明藉可分辯商阻德兵其井陘一路並請婉商法使勿再進兵且直境未擾之三府三州等處務望設法保全是爲至要祿韶霖魚云

寄西安

行在軍機處

光緒二十七年正月初八日

魚電悉高驂麟前密稟聞係升允部下營官致德兵官信遵已密飭查覆河閒深冀趙大順廣各府州現無洋兵已有淮練各軍分防諒可保全啟秀徐承煜本日派員提交刑部卽刻押赴菜市口正法英美日本各派隊守護觀看請代奏劄鴻



盛宗丞轉西安來電

光緒二十七年正月初八日到

奉 旨奕劻李鴻章奏二電悉俄約已允將滿洲全行交還  
中國吏治照舊第七款內將金州自治之權廢除顯係據我  
土地與全行交還之約相背八款內連界各處如滿蒙及新  
疆之塔爾巴哈臺伊犁喀什噶爾葉爾羌和闐于闐等處礦  
路及他項利益非俄允許不得讓他國或他國人非俄允許  
中國不得自行造路除牛莊外不准將地租與他人尤侵我  
自主之權頃據劉坤一電稱日英兩國之意以中國此時與  
某一國定立條約不可允其獨享利益以及壤土之權必須  
與各國商辦方能保全等語李鴻章從前曾與俄訂密約中  
俄交際情形最爲熟悉近日該國復到國書情詞逾常肫懇  
聲明不侵我主權現在事機萬緊朝廷惟該大學士是賴楊

儒雖派全權其約內極有關繫之處仍須先與俄使切實磋商一面將劉坤一電稱各節悉心體察設專顧俄約而英德日各國援以相爭是以一俄而掣動各國後患將不可勝言著奕劻李鴻章設法統籌兼顧能將俄與各國各不相下之處銷融無迹斯爲妥善將此電諭知之欽此

盛宗丞轉西安來電

光緒二十七年正月初八日到

奉旨奕劻李鴻章魚電悉又據劉坤一張之洞電稱各國之意均以東三省之約爲不然此事關係重大非楊儒所能了結朝廷深思熟計急遽固非所宜延緩亦恐誤事著奕劻李鴻章統籌全局悉心擘畫或婉商英德日美奧義各公使通籌一妥善辦法或面商俄使別圖補救總之旣不可激俄廷之怒亦不可動各國之憤李鴻章熟悉俄情此中因應機

宜尤在該大學士之善爲操縱耳本日據錫良等電奏洋兵西進不止我軍已退至晉界如再前驅勢難坐待著奕劻李鴻章迅速切商阻止卽日電覆升允已撤換矣欽此

盛宗丞轉西安來電

光緒二十七年正月初九日到

奉 旨據錫良初七兩電稱升允稟臘初德副帥致書陝軍管帶官云來看長城不到廣昌該管帶答以各守各界共維和局實無德兵到彼必與接仗之言恐係漢奸偽造挑衅刻正嚴密根究務得確情現德兵已由倒馬關五遞嶺分道退去等語又去臘風聞巴搖到獲鹿深責歐員不宜挑衅當將前捉我軍士二人放回並云前事彼此不究我軍亦將所捉奸細二人釋歸固關營務處趙爾豐復屬井陘知縣致書獲鹿轉達和好之意乃有匪徒散布謠言謂我軍欲襲獲鹿歐

員又暗覓教民偽造新聞報激怒瓦帥以實前言而謀西犯趙爾豐聞之速函屬井獲兩縣代爲表白惟恐瓦帥未知真情務須告明免再生事等語可見兩處皆由誤聽匪言所致今德兵已退卽著奕劻李鴻章將詳細實情轉知瓦提督轉飭德法兩路兵官以後勿再聽信謠言進兵西犯總期早定和局爲要欽此

盛宗丞轉倫敦羅使來電

光緒二十七年正月初九日到

羅陽電沙侯稱徑

國電當代遞並謹記在心屆時酌辦云

寄美英日德四使

光緒二十七年正月初十日辰刻

各國駐使先後來言其政府屬爲聲明公約未定以前中國不得與他國立約若讓某國土地財政之權另立約章恐他國效尤所論似正鴻答以何不預告俄政府彼謂當由我駐使徑商各外部

請其轉致俄廷現俄已與楊使另議約款尙無奪我壤地財政之意催速核准否則暫據將成久據俄用兵力所得今議交收豈能不立約據公約十二款一時尙難就緒又豈能久待各國睦誼素敦未便倚眾阻撓致中俄決裂亦非各國之利也望善爲說辭電覆是要慶李

寄西安

行在軍機處

光緒二十七年正月初十日辰刻

昨晤日本使詢及東三省交收一事如何辦法告以現經全權大臣楊儒與俄另議約款尙無奪據壤地財政之意但未聞各國向俄廷商及此事中國固欲早收回三省而各國欲我與俄緩立約何不徑告俄政府辯論再四彼謂宜令各國駐使晤商各外部請其轉致俄廷如不肯轉致則此事各已聲明在案以後可免責言如告而不理其咎亦不在我所言似尙近理因卽日電致英羅使

日李使美伍使德呂使其文曰各國駐使先後來言其政府屬爲  
聲明公約未定以前中國不得與他國立約若讓某國土地財政  
之權另立約章恐他國效尤所論似正鴻答以何不預告俄政府  
彼謂當由我駐使徑商各外部請其轉致俄廷現俄已與楊使另  
議約款尙無奪我壤地財政之意催速核准否則暫據將成久據  
俄用兵力所得今議交收豈能不立約據公約十二款一時尙難  
就緒又豈能久待各國睦誼素敦未便倚眾阻撓致中俄決裂亦  
非各國之利也望善爲說辭電覆是要等因似卽魚電 旨設法  
統籌兼顧之意未知果能消融無迹否除電楊使外請代奏劄鴻

盛宗丞轉西安來電

光緒二十七年正月初十日到

奉 旨據盛宣懷電稱衢州教案英使欲歸全權在京議辦  
在滬無從與商英駐京公使欲誅鎮道府營及紳士並欲將

前撫劉樹堂前臬榮銓革戍查抄實屬過甚著奕劻李鴻章  
將盛宣懷送到全案細核確情與英使切實磋商至所擬撫  
臬等罪名尤屬臆斷務須極力駁正前西安縣知縣吳德瀟  
因極力保護教堂致爲亂民戕殺可見地方官並非防範不  
力更無指使之理務向英使剖明將此案從速了結毋致另  
生枝節爲要欽此

寄彼得堡楊使

光緒二十七年正月初十日

奉佳電 旨奕劻李鴻章陽電悉俄使以此事與各國無涉中國  
當置之不理其勢固做不到若竟將俄約延宕不辦則三省必不  
願交還各國將相率效尤大局不堪設想朝廷體察情形若能乘  
機借力各國以圖牽制將必不可允者除來電所指各款外如第  
七條內將金州自治之權廢除一款一併力與辯論但能做到勿

佔據我土地勿壟斷我利權俾各國不致藉口或亦權宜結束之一法著奕劻李鴻章詳加參酌妥慎辦理一面婉商各使開誠布公協力勸俄相讓勿徒與我暗中爲難方臻妥善仍轉電楊儒酌辦欽此慶李

盛宗丞轉西安來電

光緒二十七年正月初十日到

樞青據葛寶華報莊於初三在蒲州監視自盡何福莖報毓於初四在甘省監視行刑岑春煊報英趙於初六日監視自盡特電聞

江督劉來電

光緒二十七年正月初十日到

駐滬日本總領事電奉外部電飭駐意欽差電意國外部總辦言該國政府已飭駐燕意使向中國聲明中國萬不可與某一國另訂屬土駐兵之約此約一訂與局面大有礙意國



此次忠言恐係德所勸等因奉此除電樞外謹電達

寄南京交仲彭

光緒二十七年正月十一日巳刻

頃電岑撫舍親張道士珩前在北洋軍中管理學堂軍械局培植將才精通洋器操守廉潔深資臂助朝鮮事起言者橫加誣陷交香帥查辦事屬子虛以失察微罪去官論者惜之茲其舊部湊集一萬二千金捐助陝賑樞相任直者亦知其人望代表揚奏請開復原官銜翎以示觀感云孔慶塘等公呈應另自電陝撫此事必准無庸電夔仲卽轉楚寶

寄西安

行在軍機處

光緒二十七年正月十一日巳刻

上年十二月二十五日蒙

恩將徐用儀等五員開復原官當卽

恭錄

諭旨照會各使旋據該使等面稱該五員實係力駁攻擊

使館致罹大辟代抱不平頃據領銜葛使照稱

諭旨內有數句

令人閱視一似攻擊使館係徐用儀許景澄袁昶聯元立山五員之意按諸國大臣所閱發鈔該五員之奏摺明與此語不符是以諸國大臣未能允在公文中有此等隱括之詞現核定應另請重發開復該五員之諭旨其中務須詳細言明開復慘罹大辟之五員係因其當日力駁攻擊使館之故等語查上諭內朝廷以勦撫兩難疊次召見臣工以期折衷一是乃徐用儀等經一再垂詢詞意均涉兩可與廷臣同召對時所聞之語似有未符使館內來往傳話者眾口一詞是以該使等不願在公文中有此等隱括之語雖係加恩臣下與外人無干而其獲罪因力駁攻擊使館亦難禁其饒舌若置之不理恐不肯續議別款致礙和局擬仍與該使等婉商未知其甘服否應如何預籌變通之處伏候聖裁請代奏劄鴻

江督劉轉柏林呂使來電

光緒二十七年正月十一日到

呂使電豔電計覽禁與公司定約是束縛我非裨益我也當駁其干我內政彼婉詞分辯並言已飭穆使轉達英廷亦同此意云揣度德意恐各國乘機奪利彼現爲聯軍領袖思沾利益又不肯遽言陽爲勸助陰實要挾心殊叵測查新報載美將承辦粵漢路礦實與蘆漢公司又美公司擬許借中國三百兆元或因此二事發端亦未可定因交涉所關甚鉅謹再密陳請轉慶李張均求祕之海歌云似尙未悉俄事是以誤會除轉鄂外謹電達

署滇督丁來電

光緒二十七年正月十一日到

江電謹悉滇省保護責重現預設法禁約如強梗聚眾滋擾卽照匪徒勦辦方領果遵畢訓和商柔克則推誠交盡可望

久安此接續最要關鍵也教案滇結謹當遵辦但願不出難  
題有意逼歸內結則幸甚李藩司另電密稟求鈞奪朱道二  
月來滇兼程勿再耽擱緣議辦路工教案恐難延至仲夏事  
關邊局懸案盼切

彼得堡楊使來電

光緒二十七年正月十二日到

卅東冬電計均轉奏陽悉格使言與外戶部同約款交來儒  
卽擬駁十餘條有數條與尊駁格使語不謀而合本欲電質  
以勘電意在併議而止現未便與駁專候卅冬電回音也昨  
戶部約晤云前密談口述之款盡載泰晤士報北京訪事來  
電伊意甚不悅後宜加密

日本李使來電

光緒二十七年正月十二日到

蒸電祇悉遵商外部答稱此事非一國所能獨持儻俄約定

後他國別有辦法日本亦不能不從眾等語竊惟收地所關固重但因收地立約致各國效尤所損尤大似以商俄從緩爲妥愚見附陳伏候鈞奪

滇藩仲姪來電

光緒二十七年正月十二日到

滇案畢使意欲內辦實望藉拓蒙自租界路工則欲改照中俄路約方領已露輕議賠費抵給租界及路工改章詞意必先與畢使商通蒙民多疑難遽解且逼近法境界內混界較內地劃給諸多爲難允自疆吏更隱多窒礙此情固難預揭能設詞吹息更好如彼堅執可否入於推廣商務條款內酌允議結并訂明議給賠費緩展年限撥劃此亦萬不得已極思若趕熱急辦實形棘手義意在滇議結只能就案磨議賠費租界及改約恐須劃出由內商然如此必拂意留難恐仍

致逼歸內結謹預稟明求留意裁酌諭覆並呈明慶邸

寄滇藩仲姪

光緒二十七年正月十二日

各省賠費均由該省自行議結滇應賠何事何數爾等自知豈能  
在京商辦給租界議路工均係當官之責祇有由外磋磨若逼歸  
內結仍必向外推推來推去恐啟外衅耳

晉撫錫來電

光緒二十七年正月十二日到

庚電敬悉晉事屢蒙調護感甚升允已遵旨撤會商宋馬  
兩提督揀派久歷毅軍之副將郭殿香接統仍於晉境扼守  
以防匪徒造言生事至東天門劉光才各軍前奉鈞電卽擬  
遵行惟彼處形勢扼要舍是難守屢經飭萬不准率肇衅  
端卽臘九日兩軍巡哨適遇亦確係彼先開鎗故聞法將巴  
搖抵獲尙責歐貝挑衅當將捉我軍士二人放回云前事悉

置弗論我軍亦將先獲之敵探二人釋放復經井陘令致書  
獲鹿令轉語巴搖其敦和好嗣聞有匪類散布謠言謂我軍  
欲東襲獲鹿教民又屢次捏造新聞紙播弄是非意在搖惑  
歐貝激怒瓦帥增營西來藉圖報復奸民更可乘機搶掠我  
軍深陷瓦帥巴搖歐貝爲所欺朦因復懇井鹿二令代爲力  
白請其勿聽訛言決無欲襲之意今劉光才奉嚴飭固懼自  
干重咎卽錫良亦虞莫副維持況鈞右慘淡經營款議甫有  
端緒細目尙待磋磨何敢枝節旁生貽憂 君父且晉兵本  
不足恃更何敢肆出妄言予人口實奸民煽惑事尤顯然茲  
雖仰承解釋而底蘊不得不陳儻邀垂察詳告公使瓦帥感  
盼尤深至各軍退晉一節人數較多擇地又難可否寬示以  
期徐圖布置抑或派員畫定界限之處統乞鈞奪除再嚴札

各軍仍前穩慎防守勿稍違踰外

寄彼得堡楊使

光緒二十七年正月十三日

本日接軍機處電奉旨奕劻等蒸電李鴻章桂電均悉據日使所言電致出使各國大臣各節昨已有旨分電各使轉向各外部婉向俄廷曲爲商減與該親王等辦法大致相同惟交還條款俄催速定固難延緩致激俄怒然各國旣嘖有煩言若稱不理亦恐藉口羣起爲難此中關係甚重該親王等務當籌計萬全總期定約以後各國不致另生枝節方爲妥善至條款內仍有應力與磋商者如陽電所指第六第八第十二各款必須商改鐵路直達長城向京一節尤關緊要又第四款路工未竣不設兵隊應專指鐵路邊旁而言軍火禁入滿洲應與公約同時起止不得永禁第七款將金州自治之權廢除亦知孤城留之無益特恐各國卽指爲



割地實據藉口效尤耳第八款路礦各利益非俄允不讓他國宜  
聲明中國自辦不在此例或中國借款先儘俄國第十一款上項  
賠款可將全數或分出若干以他項利益作抵恐係注意陸路關  
稅及山海關鐵路等事必與言明須與此次公約各國利益相埒  
該親王等當妥細統籌務與俄使逐款分晰剖辯力圖挽救並一  
面電知楊儒按照此電所擬婉切商改毋誤事機爲要欽此慶李

華盛頓伍使來電

光緒二十七年正月十三日到

蒸電切商外部已電駐各國美使並柔使會各使熟商妥計  
仍勸我勿遽立約

晉撫錫來電

光緒二十七年正月十三日到

蒸電悉教堂女學生已查見寶珠丑女富隆三名交朱郁文  
領回佳樂現在省北鄉已飭差往傳此外尙有愛桃一名擬

一併交朱具領去夏洋人在省遇害良到任卽派員同朱郁文記明男女分別掩埋乞轉告公使錫良文附安懷珍洋電一紙祈轉交義大理使館

盛宗丞轉西安來電

光緒二十七年正月十四日到

奉旨奕劻李鴻章真電悉上年十二月二十五日開復徐用儀等原官諭旨內勦撫兩難係專指辦理拳匪而言與攻擊使館無涉徐用儀等五員亦並無力駁攻使館之奏何從發鈔近來各處報館往往捏造蜚語聳人聽聞各國難保非見報館所私造以致生疑私刻之與官報不難一望而知至懲辦此五員實因當時首禍諸臣乘機誣陷現旣加恩開復已足昭雪該親王等務與各使分晰剖明毋再異議欽此

盛宗丞轉倫敦羅使來電

光緒二十七年正月十四日到

羅使文電遵蒸 旨密商蘭侯據云俄約十二條果如泰謨  
斯及領事傅磊斯所傳甚有關係今中國既令各國排解應  
請於未得各國回信之先務望勿許爲要當卽商明德美日  
政府再覆等語

盛宗丞轉華盛頓伍使來電

光緒二十七年正月十四日到

伍使文電奉電

旨俄約切商外部已電駐各國美使並柔

使會各使熟商妥計云

盛宗丞轉榮相等來電

光緒二十七年正月十四日到

前據來電謝德款使意在派醇親王前往究是何意

上意

醇親王年歲尙輕交涉事宜向未閱歷如果定議令往必須

得力之員贊助一切張翼明練熟悉若派充參贊可期勝任

特電聞希酌覆祿韶霖元

盛宗丞轉西安致各駐使

光緒二十七年正月十四日到

樞寄駐使電奉 旨俄允交還東三省所擬條約十二款朝廷已飭令全權磋商刪減期保自主之權各國亦均以爲不可許惟就中國現在情形而論各國代謀之意固屬可感而勢難獨力堅持激怒於俄因念此中利害不惟中國當熟籌妥計期出萬全卽各國亦須互相維持以免環球偏重之勢著呂海寰李盛鐸羅豐祿伍廷芳密商各外部懇其聯約向俄廷善爲排解俾此事得以和平了結誠於中外大局實有裨益欽此蒸除轉各使外

盛宗丞轉江督劉來電

光緒二十七年正月十四日到

峴帥文電傳相力任艱鉅坤未能稍分憂勞方以爲愧何肯稍有異同實緣俄事就一國論其失有限就全局論實有名

存實亡之慮各國所以咸告中國者蓋中能從拒逆料俄斷不敢遽犯眾怒俄所以迫中速允者亦以允後可籍各國之口各國既均言明允必效尤則分裂之禍卽在目前如其不允縱使不歸還侵地亦係強佔而非中國所予其曲在彼現英領直告香帥如允俄所索法必效尤其德日義英亦不得已照辦於中西爲今計惟有請傅相詳審允俄之後各國能否不致效尤如無把握應請傅相商楊使急脈緩受不能拒之以理亦當動之以情直告俄現各國均向中國聲明允俄約均必照辦各國既不能阻俄約俄亦不能阻各國效尤俄既欲尋二百餘年鄰好而愈加篤不欲稍礙主權當念中國允俄之後力難拒絕各國要求實已不分而分無可爲國凡有礙主權者與之婉商刪除縱或不能全刪得減一分卽少

受一分之害請酌轉傳相云

寄江督劉峴帥

光緒二十七年正月十五日

文電悉尊慮甚為詳盡俄得利益恐各國效尤自是眼前道理人皆知前已屢電子通竭力磋磨急脈緩受來電減一分即少受一分之害鴻亦正同此意昨又屢奉電旨指示機宜均轉電子通遵照事關重大何能率爾操觚也

寄西安行在軍機處

光緒二十七年正月十五日辰刻

元電悉先是德使派參贊來詢專使赴德擬派何人答以未定伊詢醇親王何如答尚謹慎何不往來晤談醇遂與穆使瓦帥相見該使電知國王均以爲然旋又照稱本國皇帝提明俟中國照各國公索各款全行照允方願接待專使等語查醇王年歲雖輕志趣尚好上年拳匪內訌莫贊一詞尚守家教惟交涉向未閱歷伊

已約定張翼偕往贊助記名副都統廕昌前駐德年久熟悉情形擬請派該員等並充參贊庶無隕越第懲辦禍首雖定該使等多方磨難續議各款屢催不就看來一時斷難合拍此事應俟公約畫押時再行降旨請先代奏劄鴻

盛宗丞轉

行在致俄

國書

光緒二十七年正月十五日

到

樞元電茲有

國書一道轉駐俄楊使接遞並轉知全權文

曰大清國大皇帝敬問大俄國大皇帝好昨得還書仁人之言大君之度具形楮墨慚感實深嗣由楊儒遞到東三省約章十二條逐細尋繹似中國主權尙未能保全無礙大皇帝書云不欲稍礙主權一切悉照俄兵未據以前辦理惟詳細情節自應訂明免再滋變斯言也光同日月誓等河山今十二條所擬似不盡照未據以前辦理蓋國書君之言也約

章廷臣所議也夫思患預防者謀臣之忠而恤鄰仗義者大君之仁敝國東三省業已失守仍以見還朕圖報不遑但可勉從何忍違異無如東三省主權一失各國皆從而生心中國將無以自立大皇帝欲力固和局而尙不免各國藉口分爭度必不忍出此也況來書所云仁至義盡敝國自慶如天之福大國必昭大信之言前此之衅朕知過矣今日之事惟大國實保全之已飭敝國全權大臣楊儒與貴國詳加酌議謹再致書道達苦衷惟大皇帝終始玉成朕與億萬臣民同深感幸矣元除轉俄外

晉撫錫來電

光緒二十七年正月十五日到

前奉庚電以我軍旣已退讓彼亦無意西趨等因查五臺縣一路晉軍暨毅軍均扼守晉境未越直界昨已照會洋員兩



勿相犯乃頃據報十一日午洋兵由黑巖溝攻我銅錢溝此皆晉地我軍不能不抵禦以致傷亡十餘名等語用特電聞尙祈轉致公使阻其兵隊勿再西進共保和局爲叩

寄晉撫錫清帥

光緒二十七年正月十五日申刻

文電教堂女學生四名交朱領回去年遇害男女分別掩埋英使甚感頃據該教士德彌士函稱去年六月初五太原浸禮會教友劉青選將英牧師法爾定書信一包寄存省城東羊市其昌永鋪內七月初六陽曲縣白令取存衙署劉青選復託孔子清向白令索取該令告以現存撫署求轉電尊處將前項書信一包設法交便妥寄京都交燈市口教堂查收

李文忠公電稿卷三十二

李文忠公電稿

卷之三十三目錄

寄西安 行在軍機處

光緒二十七年正月十六日巳刻

盛宗丞轉伍使致江督函

光緒二十七年正月十六日到

盛宗丞轉西安來電

光緒二十七年正月十六日到

盛宗丞轉西安來電

光緒二十七年正月十六日到

寄西安 行在軍機處

光緒二十七年正月十六日戌刻

馬軍門錫中丞來電

光緒二十七年正月十六日到

寄盛宗丞

光緒二十七年正月十七日辰刻

盛宗丞轉柏林呂使來電

光緒二十七年正月十七日到

盛宗丞轉柏林呂使來電

光緒二十七年正月十七日到

盛宗丞轉西安來電

光緒二十七年正月十七日到

盛宗丞來電

光緒二十七年正月十七日到

何道董牧來電

光緒二十七年正月十七日到

寄晉撫錫馬軍門

光緒二十七年正月十八日辰刻

寄西安 行在軍機處

光緒二十七年正月十八日辰刻

寄盛宗丞

光緒二十七年正月十八日辰刻

盛宗丞轉西安來電

光緒二十七年正月十八日到

彼得堡楊使來電

光緒二十七年正月十八日到

寄西安 行在軍機處

光緒二十七年正月十八日

寄彼得堡楊使

光緒二十七年正月十八日酉刻

寄晉撫錫清帥

光緒二十七年正月十八日酉刻

寄西安 行在軍機處

光緒二十七年正月十九日辰刻

寄西安 行在軍機處

光緒二十七年正月十九日

寄西安 行在軍機處戶部 光緒二十七年正月十九日

盛宗丞轉西安來電 光緒二十七年正月十九日到

呂軍門來電 光緒二十七年正月十九日到

覆呂軍門 光緒二十七年正月十九日未刻

寄西安 行在軍機處 光緒二十七年正月二十日巳刻

寄西安 行在軍機處 光緒二十七年正月二十日

盛宗丞轉江督劉來電 光緒二十七年正月二十日到

盛宗丞轉柏林呂使來電 光緒二十七年正月二十一日到

盛宗丞轉西安來電 光緒二十七年正月二十一日到

盛宗丞轉張總憲來電 光緒二十七年正月二十一日到

寄西安 行在戶部 光緒二十七年正月二十一日

宋宮保等來電 光緒二十七年正月二十一日到

江督劉來電

光緒二十七年正月二十二日到

盛宗丞來電

光緒二十七年正月二十二日到

盛宗丞轉西安來電

光緒二十七年正月二十二日到

行在戶部來電

光緒二十七年正月二十二日到

寄西安

行在軍機處

光緒二十七年正月二十二日到

盛宗丞轉江督劉來電

光緒二十七年正月二十三日到

寄華盛頓伍使

光緒二十七年正月二十三日

盛宗丞轉西安來電

光緒二十七年正月二十三日到

滬轉西安來電

光緒二十七年正月二十三日到

寄西安

行在軍機處

光緒二十七年正月二十三日

寄調晉撫岑雲帥

光緒二十七年正月二十四日

寄德州黃道

光緒二十七年正月二十五日巳刻

寄西安 行在軍機處 光緒二十七年正月二十五日

華盛頓伍使來電 光緒二十七年正月二十五日到

豫撫于來電 光緒二十七年正月二十五日到

蘇撫聶來電 光緒二十七年正月二十五日到

寄西安 行在軍機處 光緒二十七年正月二十六日辰刻

寄奉天增將軍等 光緒二十七年正月二十六日辰刻

寄西安 行在軍機處 光緒二十七年正月二十六日辰刻

盛宗丞轉柏林呂使來電 光緒二十七年正月二十六日到

盛宗丞轉小田切致江督電 光緒二十七年正月二十六日到

寄西安 行在軍機處 光緒二十七年正月二十六日酉刻

覆彼得堡楊使 光緒二十七年正月二十六日戌刻

寄倫敦羅使 光緒二十七年正月二十六日

江督劉轉倫敦羅使來電 光緒二十七年正月二十六日到

調晉撫岑來電 光緒二十七年正月二十六日到

調晉撫岑來電 光緒二十七年正月二十六日到

晉撫錫來電 光緒二十七年正月二十六日到

寄西安岑雲帥 光緒二十七年正月二十六日到

調晉撫岑來電 光緒二十七年正月二十七日到

江督劉來電 光緒二十七年正月二十七日到

上海紳商來電 光緒二十七年正月二十七日到

寄西安行在軍機處 光緒二十七年正月二十七日到

寄西安行在軍機處 光緒二十七年正月二十七日到

盛宗丞轉西安來電 光緒二十七年正月二十七日到

盛宗丞轉西安來電 光緒二十七年正月二十七日到

盛宗丞轉西安來電

光緒二十七年正月二十七日到

倫敦羅使來電

光緒二十七年正月二十八日到

盛宗丞轉西安來電

光緒二十七年正月二十八日到

寄西安

行在軍機處

光緒二十七年正月二十八日

寄西安

行在軍機處

光緒二十七年正月二十八日

滬轉西安來電

光緒二十七年正月二十八日到

豫撫于來電

光緒二十七年正月二十八日到

寄豫撫于次帥

光緒二十七年正月二十八日巳刻

寄晉撫岑雲帥

光緒二十七年正月二十八日巳刻

寄晉撫岑雲帥

光緒二十七年正月二十八日午刻

護甘督何來電

光緒二十七年正月二十八日到

晉撫岑西安來電

光緒二十七年正月二十八日到



覆倫敦羅使

光緒二十七年正月二十九日

盛宗丞轉西安來電

光緒二十七年正月二十九日到

盛宗丞轉西安來電

光緒二十七年正月二十九日到

寄西安 行在軍機處

光緒二十七年正月二十九日

李文忠公電稿卷三十三

全集五之三十三

桐城吳汝綸編錄

寄西安 行在軍機處

光緒二十七年正月十六日巳刻

蒸元電 旨敬悉楊使元電應俟各國答覆再議是尙未開議格使因聞各國饒舌中朝游移負氣不肯相商頃璞科第來言格接本國密電云將定期令商妥畫押如踰期須增出條款再踰期則決裂不與商辦羅使元電英外部但言商明德美日政府並未允向俄廷排解似卽排解俄必堅拒此事竟無結束 國書固甚懇切而部臣未必受商量恐愈緩愈緊務望熟籌利害相機因應爲要除電楊使外請代奏劄鴻

盛宗丞轉伍使致江督函

光緒二十七年正月十六日到

峴帥電伍使函美總統在議院宣諭謂俄國政府曾議賠款

一節不能就範可交荷蘭京都保和會公斷本總統甚以爲然深信此舉爲各國之利實保中國自主之權等語應否電知傅相聊備一說云

盛宗丞轉西安來電

光緒二十七年正月十六日到

本日據錫撫電稱統領劉光才等奉全權札并陘各軍退紮晉境不得在直與洋兵挑衅等語晉撫擬畫分界限鎮關防守已電商尊處現在和議將定彼必要我退兵其意何居查東門地最扼要爲晉省門戶我已布置周密勢難遽退自撤藩籬希卽婉商法使彼此畫定界限互相約束各不侵越自不致生衅並望電告晉撫遵辦爲要祿韶霖翰云

盛宗丞轉西安來電

光緒二十七年正月十六日到

本日據江督劉電稱英領面告俄約勿宜畫押並面交一函

內稱奉駐京使電近日李中堂在京與俄訂約內載東三省  
應歸俄駐兵管理復以蒙古新疆伊犁中國不得修造鐵路  
此端一開難保效尤請飭切勿簽押又據鄂督張電稱德領  
云接德政府覆電中國不應另與一國立讓土地利權私約  
必先守公約將此約切實辦到該領事復稱各國既勸中國  
勿另立約儘可以各國勸阻之詞拒俄或由中國將俄約布  
告各國請約齊向俄理論尙冀和平了結各等語此事關繫  
甚重希貴親王等查照十一日電諭妥酌辦理總期保全  
大局是爲至要至德領所稱將俄約布告各國一節可否給  
與公閱並希酌度祿韶霖刪云

寄西安

行在軍機處

光緒二十七年正月十六日戌刻

今日傍晚格使來言俄廷電問中國何日定議畫押答以楊使電

應俟各國答覆再議各使亦向敝處聲明不可遽許格謂此事與各國無干若向俄廷言及必堅拒碰回試思東省先與俄戰俄費許多兵力血戰傷亡若干人而得之今一旦交還實由我皇寬仁外戶部力顧睦誼所訂條款再三刪減並無礙中國主權若謂恐他國效尤各國現議留兵保護使館及沿途暢道與俄約暫留兵一股同且俄留兵尙有撤回之日連界各處蒙古新疆礦路不得讓他國若前數年英議定長江利益不許讓他國德議定山東利益不許讓他國日本議定福建利益不許讓他國中國皆已允行何獨靳於俄尙慮他國效尤耶我此來實爲交情若置不理我國必有訓條另用公文限期成議勿嫌唐突因允將所言轉奏並電楊使旋又婉商有何通融之法彼謂若以第八款各節第七款金州自治廢除或改作專條密約問礦路宜聲明中國自辦不在此

例格云伊不敢擅改由楊在俄商辦語畢悻悻而去除電楊使外  
請代奏助鴻

馬軍門錫中丞來電

光緒二十七年正月十六日到

昨因洋兵攻晉境黑巖溝我軍抵禦被傷多人彼亦旋退曾  
經良電達鈞聽茲與崑彼此籌思晉省禍首已正典刑拳匪  
亦均拏辦教士教民分別保護撫卹實已不遺餘力現當款  
議大綱已定各省俱安而彼獨於晉進兵不已不知其意所  
在兵連禍結晉固不了尤恐牽動全局仰煩盡畫深用惴惴  
惟求爵前設法維持俾免西趨是所叩禱再晉事究應如何  
因應方得結局並懇密示機宜曷勝禱盼

寄盛宗丞

光緒二十七年正月十七日辰刻

頃英薩使函稱聞張百熙乘伏波輪船在長江行走用特派欽使

官銜儀仗既本國未肯認爲欽使中國國家應收回成命否則難免無知之人被其蠱惑以本國威名陷於影射應請將誤會之處設法幸免等語希卽轉告張總憲勿再用出使官銜並電軍機處知照慶李

盛宗丞轉柏林呂使來電

光緒二十七年正月十七日到

呂使元電 國書初二譯交外部據稱恐辦不到爲中國計仍以借總債歸還一了百了免致軫轍爲是若分年攤償不但煩瑣且受人挾制各國或藉口利權當將爲難實情縷晰剖辯彼允爲照遞有覆書再送等語屢經往催昨始明言聞各國均不覆德亦不答云問德廷命意所在彼亦未肯直言查新報載德水陸兵費已用百五十七兆馬現又續籌一年備用兵費百廿兆馬有零商教各款不在內如明年西三月

以前各兵或全撤或酌裁可從減等語觀此則耽延愈久償費愈多公約似宜速結庶冀兵早撤而費稍省除代奏外

盛宗丞轉柏林呂使來電 光緒二十七年正月十七日到

呂使咸電遵 旨密商德外部據稱須與英日公商俟有辦法再告云西報均訾俄在我事處兩難儻能公約先結大局

早定可免效尤或有仗義助我之人否恐枝節再生愈難收束俟得外部的實辦法再行覆 命乞先代奏除轉樞外

盛宗丞轉西安來電 光緒二十七年正月十七日到

咸電已代進呈奉 旨垂詢其磨難者皆係何事是否因俄約延宕觀望又昨據盛宣懷電稱聞賠款七萬萬連利在內

分五十年每年還一千四百萬並欲將漕鹽常稅統歸洋員辦理此言確否均望詳細電覆為要祿韶霖諫云

辦理此言確否均望詳細電覆為要祿韶霖諫云

辦理此言確否均望詳細電覆為要祿韶霖諫云

辦理此言確否均望詳細電覆為要祿韶霖諫云

辦理此言確否均望詳細電覆為要祿韶霖諫云



盛宗丞來電

光緒二十七年正月十七日到

聞賠款一萬萬鎊利在內分五十年未知各會各人在內否  
籌款之法西人注意鹽務仿照印度就場徵課刪改引地極  
不便民之政又除緝捕鹽梟私販之害較人丁捐有所憑藉  
惟將運商之利一網打盡若非此次乘機議辦亦難防阻撓  
究屬何時開議二赤能否兼辦聞各國不願併歸稅司確否  
何道董牧來電

光緒二十七年正月十七日到

法鹽一兩八將立合同孫廷杰託洋人唆弄增爲三兩求中  
堂同欽差商辦都稅領事代求已免俄鹽宗見俄提督允不  
用道勝銀省五錢做鹽零交都稅允代求宗春叩

寄晉撫錫馬軍門

光緒二十七年正月十八日辰刻

元電咸電悉瓦帥前允弗西去乃十一日洋兵由黑巖溝攻銅錢

溝似是五臺一路不知何故此路係德兵獲鹿一路係法兵聞其  
兩不相轄據法使稱劉光才等兵現多埋地雷豫築礮臺以圖抵  
禦果爾則法不便畏而卻避惟賴麾下嚴諭諸將鎮靜嚴守勿稍  
張皇俾免誘敵深入爲要慶李

寄西安

行在軍機處

光緒二十七年正月十八日辰刻

刪電述劉張電語似影響之詞英薩使常晤並無在京與俄訂約  
之說何得誑言德領謂中國儘可以各國勸阻之詞拒俄或由中  
國將俄約布告各國約齊向俄理論可和平了結彼蓋謂俄畏各  
國不知一提及各國俄卽艱然怒若將俄約布告怒必更甚向例兩  
國議約未定稿之先不得漏與他國況布告耶諫電垂詢磨難者  
何事卽如第七款使館所在境界自行防守初謂不過略擴基址  
前送說帖聲明須彼此勘定界址將內有公所衙署劃出乃該使

等自行會議數次並未彼此會同勘議輒用照會繪圖核定東至崇文門大街迤東西至棋盤街迤北將宗人府吏戶禮兵工部並包在內擬令遷移悍然不顧尤可異者堂子爲祭祀重地義薩使已久踞先經面詰伊允事定退還昨又晤詢則又云須由伊國家作主頃詳具說帖駁論數百言伊等亦置不復可不謂磨難乎至賠款私議約五萬萬兵費及商教各款在內連利已逾七萬萬英使及赫德欲將漕鹽常稅歸洋員整頓竊計每年亦無一千四百萬之多各使意見不一或謂須借總債歸還但無押款可指僅以漕鹽常稅作押恐人不信此又大磨難之一端未必專因俄約延宕觀望慶李

寄盛宗丞

光緒二十七年正月十八日辰刻

諫電悉賠數所聞不甚懸殊各使自行會議意見不一一時難定

二亦不能兼辦鹽務就場徵課本係舊話而未能行恐更張亦不易也

盛宗丞轉西安來電

光緒二十七年正月十八日到

奉旨奕劻李鴻章諫電悉俄約應行商減各節十一日電諭已詳細指明卽該親王等陽電亦稱第六第十二款內並非已允成議又第八款礦路一節必犯眾怒卽使各國不行阻撓亦均應婉切商駁況現在紛紛責言但能擇要商改則我可稍資補救卽向各國亦可有詞今勢處兩難必應計出萬全總期訂約以後各國不致另生枝節方妥至熟籌利害相機因應乃該親王等之責朝廷不能遷度也著奕劻李鴻章仍與俄使婉切相商並電楊儒一體設法議改力圖補救是爲至要來電僅稱蒸元電悉而十一日真電旨並未提及

是否錯誤並查覆欽此

彼得堡楊使來電

光緒二十七年正月十八日到

元悉謹遵電

旨及陽電駁款逐條開送外部力勸商改稱

須商戶兵部再定盛轉樞元電

國書亦遞各國回音乞示

及

寄西安

行在軍機處

光緒二十七年正月十八日

篠電

旨謹悉前奉十一日電

旨遵卽轉電楊使商改頃據楊

使電稱謹遵電

旨及陽電駁款逐條開送外部力勸商改稱須

商戶兵部再定等語俄使急催定議詞氣甚爲決絕十六曾兩次

將會晤俄使情形電請代奏頃又將所奉電

旨轉電楊使設法

議改力圖補救矣請代奏劄鴻

寄彼得堡楊使

光緒二十七年正月十八日酉刻

奉篠 旨奕劻李鴻章諫電悉俄約應行商減各節十一日電諭  
已詳細指明卽該親王等陽電亦稱第六第十二款內並非已允  
成議又第八款礦路一節必犯眾怒卽使各國不行阻撓亦均應  
婉切商駁況現在紛紛責言但能擇要商改則我可稍資補救卽  
向各國亦可有詞今勢處兩難必應計出萬全總期訂約以後各  
國不致另生枝節方妥並電楊儒設法議改力圖補救是爲至要  
欽此諫電已代奏各國回音並無切實語大致擬商明英德美日  
再定辦法公何不就近與各使電商慶李

寄晉撫錫清帥

光緒二十七年正月十八日酉刻

比姚使函稱貴大臣屢次札飭歸綏道保護教民該道亦曾許給  
口糧但徒託空言望飭將所許各節迅速照辦無令屢以荒妄之  
詞搪塞等語希飭認真照辦並電覆慶李

寄西安 行在軍機處

光緒二十七年正月十九日辰刻

頃接煙臺轉增祺元電初八奉宋電卽分轉清晉壽據探初五俄隊已由義州起程截營子壽帶隊千餘赴庫魯被蒙團擊回現至新民廳屬前在溝邦子擊殺俄官之金壽山股匪亦隨其後十一俄將云被壽函所激擬數道攻壽晉並索員弁同行免得百姓逃散當同各部學政等力爲勸阻言奉國命不能止十三已開行因聖容 玉寶均在庫魯卽派侍衛富呢雅幹等隨往俾資保護兼沿途和解免地方糜爛壽尙有擅殺勒捐諸惡人怨沸騰屢爲地方稟揭現飭各營如壽不卽遵 旨回京再圖生事卽行拏解餘再奉聞云請代奏劄鴻

寄西安 行在軍機處

光緒二十七年正月十九日

奉天將軍增祺前因奉省淪陷糧餉無資商經鴻代向華俄道勝

銀行議借銀三十萬兩暫濟目前訂八釐息一年歸還年前撥過銀八萬兩茲又以盜賊徧地釐稅無收兵民需餉尤亟電請轉奏仍由該行提借銀二十萬以濟眉急等情查所請撥款係在奏明三十萬兩之內除仍飭道勝銀行籌備電知奉省照撥外理合奏明備案請代奏動鴻

寄西安 行在軍機處戶部

光緒二十七年正月十九日

順直被兵流離失所較秦晉尤甚一切善後尤應陸續興舉部司一無存項無可措手前請仿秦晉賑捐開辦直隸善後賑捐如蒙俞允請先電知

盛宗丞轉西安來電

光緒二十七年正月十九日到

奉 旨諫二電悉前電格使負氣不肯相商今格使既來面言正可乘機向其婉商轉圜其原約內應議改各條已詳十



一及昨日電旨第八條鐵路礦務由東北直抵西北所包太  
廣必犯眾怒第十二條內鐵路修建向京直達長城一語尤  
爲危險均須極力商改著奕劻李鴻章卽電知楊儒遵照前  
兩次及此次電旨向俄外戶部設法分辯委婉磋磨該親王  
等亦相機與格使婉商酌辦合力補救至所稱改作專條密  
約恐亦難免各國藉口總期妥協定約保我政權利權而不  
致各國有詞生衅是爲至要本日據李盛鐸電奏日外部言  
英有詰責俄廷之說未識如何措詞等語該親王等有無所  
聞亦密探電覆欽此

呂軍門來電

光緒二十七年正月十九日到

今早青縣周令函稱十五德兵到馬廠營內所餘軍裝火藥  
及各件均爲踞有不准絲毫運出等語馬廠非德兵力所取

且和議卽成豈宜如此懇請照會瓦帥理論德兵屢到滄靜  
騷擾儻復不止津南居民逃避春耕失時必將荒歉匪徒難  
靖可否與商聯軍不出各教堂洋兵亦撤卑軍願與梅軍代  
護教堂分防各境俾東作無廢幸甚沐恩本元稟

覆呂軍門

光緒二十七年正月十九日未刻

巧電悉屢請瓦帥勿縱兵四出彼強辭不允無可商辦尊意爲春  
耕起見伊等不遑恤也瓦昨函稱聯軍界內不宜駐華隊乃滿城  
一帶本月初五有華軍來與聯軍對敵等語所指滿城係何營希  
查明飭速退紮界外

寄西安

行在軍機處

光緒二十七年正月二十日巳刻

頃接楊使巧電兩諫均悉駁款望日送外部迄無回音昨又晤催  
據云戶兵未覆但恐各款難減勸我早定告以中國並無他意祇

因各國定欲效尤故難照允仍專候貴國回音商議詢以格璞限期畫押之說答語含糊所發訓條似祇飭催促格等之言乃恫喝故態但恐外戶爲其所惑必致內外一氣探得英德意各使均晤外部未知何話儒約晤戶部以無暇辭此近日情形千乞祕之云慶李

寄西安行在軍機處

光緒二十七年正月二十日

法使照稱前永甯道周廷揆因余蠻案革職聞將起用應照去冬公共照會阻止等語查余蠻定案時雖法使請將周道革職並未照行今該使照會遽稱曾經革職阻止起用聞該道係俸滿引見此時和局未定未便飭令回任致滋口實希盡籌電覆慶李

盛宗丞轉江督劉來電

光緒二十七年正月二十日到

木齋致榮王兩相電頃外部言英廷因東三省事有詰責俄

廷之說如何措詞尙無所聞等語又聞俄索朝鮮鎮海灣兵  
船遊弋恫喝韓人堅持不允現日廷密令海軍備戰恐因保  
韓起見或因東三省事均未敢臆定請代奏云請轉邸相

盛宗丞轉柏林呂使來電

光緒二十七年正月二十一日到

德京效電奉旨後迭商外部頃據稱自中外事起德廷於  
應議各事不願與各政府互商向飭駐使公同在京會議因  
而德之初意所在多有未能辦到者然照此辦法與中國所  
商各事業已稍有頭緒滿洲事亦應照辦故德意不肯爲各  
駐使另出主意不知中朝能按照議和行文辦法通知各國  
駐使否德廷已發訓條飭穆使一俟中國知照即可會同各  
使在京公商等語聞英日現正籌畫此事英已逕詢俄廷滿  
洲約是久是暫俄尙無回信可否請飭全權速行照會各使

在京公同商辦較爲得力伏乞 聖裁海寰叩效乞代奏云

除分轉外

盛宗丞轉西安來電

光緒二十七年正月二十一日到

准日本李使嘯電頃參謀部密告德軍數千已於十五日拔隊向滄州一帶恐係進犯山東冀通膠澳之路各國均未同行德帥宣言此次條款中國臣民不願者多非再示兵力不可無理已極竊恐德主素稱很鷲此次派兵來華志在攘地自不待言今款議已成復圖進犯實出情理之外等語李使所述參謀之言是否實有其事祈確查電覆樞號云

盛宗丞轉張總憲來電

光緒二十七年正月二十一日到

張總憲電覆京電悉途中並無儀仗亦未用出使字樣僅於拜命起程時用欽差大臣封條過滬得邸相漾電卽換去

矣粵省官輪止伏波能渡海常行駛長江此傅相所知者現已由潯回粵並未到鄂請轉達樞廷並陳邸相

寄西安 行在戶部

光緒二十七年正月二十一日

昨准大咨以本年直隸應還洋款上半年改由蘇蜀等省代解感甚惟津關尚有德華銀行華泰洋行一款按六箇月應還本銀五十萬馬克利銀二萬七千五百馬克於二月二十七日期滿未改撥應請速定改撥何處先行電知該省並電滬關遵照仍祈見覆

宋宮保等來電

光緒二十七年正月二十一日到

頃五臺防營稟十八黎明洋人在長城嶺十里外山頭放礮我軍傷亡不能立隊同時另股又攻銅錢溝我軍竭力抵禦奈放礮太利致長城嶺銅錢溝於午刻失守敵已闌入恐難

堵遏等情玉崑擬明日赴忻州督率將士相機辦理查錫良前遵旨照會德帥各不相犯專弁送至鞍子嶺敵營款待頗優卽刻轉送保定何又來攻請轉致德公使撤兵其保和局宋慶馬玉崑錫良叩

江督劉來電

光緒二十七年正月二十二日到

准晉撫篠電昨據防軍稟洋兵攻晉五臺境黑巖溝我軍抵禦敵暫退又榆次關稟正定府函東天門晉兵不退敵卽進攻等語晉省禍首已正典刑拳匪亦均拏辦地方牽涉官吏業請懲處教士分別保護撫恤實已不遺餘力現款議大綱已定彼獨於晉進兵不已不知其意何在屬電鈞處設法維持俾免西趨云現正開議細目款局已定若洋兵入晉迎拒兩難務乞速賜商阻以維大局並求電覆

盛宗丞來電

光緒二十七年正月二十二日到

呂電德廷推中朝行文各使能否辦到英已詰俄未知如何  
回答竊恐各國未必肯結俄怨但先相責而後圖效尤耳第  
一款吏治一切照舊明乎吏治之外一概屬俄下條引伸之  
又推廣之將來德於山東必先援引聞瓦帥赴膠與膠督議  
事德兵添一年餉尤可慮各國請免專約交收豈能無約乎  
或又請緩然交收愈緩愈壞格恫喝請速定俄固獨歡儻竟  
如中外所料各國乘其兵力於公約外照樣要索一俄且不  
敢拒況眾俄乎此次拳禍費盡心力幸逃分裂而終入其陷  
阱中國休矣列邦以惡名加於俄中外復以庇俄之名加於  
中堂後世論者誰能曲諒乎焦思數日尙無善策置身俄廷  
一想既以歸還三省宣揚各國斷不失信既知中國並無吝



惜祇恐各國效尤轉向求全斷不翻面請師電子通勿畏艱  
難正可借各國之力步甲午收遼東之法吏治之外將關礙  
永遠政權者推廣利權者悉以收回總期布行新政之後毋  
悔此約之難復又有一說如我之弱三省終在彼掌握何爭  
旦夕似可密勸其目前放鬆將來補報俄仁義當不欲我剖  
分肇於彼也公義私情不敢緘默乞祕察

盛宗丞轉西安來電

光緒二十七年正月二十二日到

頃奉 旨據錫良等電稱前遵旨退守晉境照會德帥各不  
相犯專弁送至鞍子嶺德營款待頗優卽刻轉送保定頃據  
五臺防營稟十八洋兵在長城嶺十里外山頭放礮我軍傷  
亡同時另股又攻銅錢溝闌入晉境恐難抵禦等語前庚電  
稱禍首已辦德兵卽不深入今又進兵攻擊究係何故著奕

勳李鴻章切實向德使詰問務令退出晉境各不相犯以保和局迅卽電覆欽此

行在戶部來電

光緒二十七年正月二十二日到

效電悉請開賑捐摺正月十四日奉 硃批著照所請該部

知道欽此戶部

寄西安 行在軍機處

光緒二十七年正月二十二日

號電悉頃德瓦帥來拜周藩司據詢明並無派兵赴東之說全係謠言瓦因從未到過青島擬後日起程由津乘兵輪前往一看六七日卽回並無他事請勿過慮慶李

盛宗丞轉江督劉來電

光緒二十七年正月二十三日

呂使號電云效電計覽遵巧電切商外部據稱英已逕詢俄政府俄如覆英德亦知悉不必再問日使來詢本部曾以效

電之意答之中國財利土地德不願有所損傷婉商再三允  
爲再發訓條飭穆使仍俟中國知照後迅速在京與各使公  
商云曾否知照各使殊切憂急乞轉慶李張云又李使寄電  
云效電遵商外部據稱各國所商尙未回覆聞俄外部告英  
使俄據東三省無論何時亦無論立約不立約決不退還現  
中國催俄立約各國阻撓殊覺無謂云云極可怪詫據此情  
形不立約不還地立約亦不還地與其立約受給收有名無  
實之地不如聽俄所爲之爲愈也若慮俄決裂則東三省已  
落俄手無所顧惜直隸有聯軍在彼俄何能進兵東南各省  
他國斷不容俄覬覦新疆一帶路隔沙漠用兵尤難是俄人  
所言不過恫喝故技俄近索韓鎮海灣屢以兵船逼韓不允  
至今毫無動靜其技已窮儻中國因俄逼竟允畫押必致各

國羣起攘地大局瓦解等語竊思各國互議保全中國不分  
割之舉俄亦在內揣各國之意或俟公約定後京津聯軍先  
退俄若不還東三省再向詰問勒令退出俄人知之乃先逼  
立約冀令中國情願割地籍各國之口若堅持不許俄怒或  
至據奉吉等省官吏此外熱河容有可慮他處恐俄亦未便  
用兵許之則各國攘地東南俱不保矣中弱不敵俄又豈敢  
敵六國存亡所關伏望力請拒俄以保大局幸甚乞轉榮王  
兩相張督云德日均云英已詢俄事當確日述俄覆語恐不  
盡實惟爲之反覆籌計甚爲透澈兩害相形宜取其輕爲中  
國計與其使各國效尤不如聽俄所爲英德已允公商似與  
空言有別乞裁酌除分電外

寄華盛頓伍使

光緒二十七年正月二十三日

望告美政府如康使假滿不回華能派參贊司快爾接充駐使遇事當能和衷商辦

盛宗丞轉西安來電

光緒二十七年正月二十三日

鄂督效電稱英總領事來面稱奉其外部蘭侯來電云中國既請各國相助排解正在歐洲極力設法惟中國應速飭全權必須將俄約各條明告各國將約稿分送駐京各使各一分並照會各使將中國以爲有礙自主之權各條指出請各使公議若無約稿所請各國排解者何事各國何從向俄辯論各國不據明文俄可含糊推宕不認等語當答以朝廷惟恐干俄之怒未敢宣布若貴國能照會中國告以見約之後必代調停雖干俄怒英國亦可率同各國向俄排解不至決裂則中國便可放心宣布領事允卽照電外部及公使云

特奉聞又有人條陳此次美國最爲和平若請美使出而秉  
公定議或先與立約較爲妥協等語是否可行希酌樞箇云  
滬轉西安來電 光緒二十七年正月二十三日到

號電悉周廷揆已照來電轉告川督妥辦矣樞箇云

寄西安 行在軍機處

光緒二十七年正月二十三日

頃接楊使馬電迭晤外部催覆駁款伊初稱戶兵不允商改當反  
覆力爭詰以俄屢言願作一好樣今反作俑實屬食言如必不肯  
商改我祇好請 朝廷另派幹員或飭新使速來再商伊見儒詞  
氣激切允再代勸戶兵刪改頃接嘯電又往詢之並述篠 旨伊  
稱昨與戶兵竭力商量幾至齟齬始允略爲改動現正擬稿俟呈  
我主閱後再覆云各政府辦法已電詢我駐使得覆再聞云慶李

寄調晉撫岑雲帥

光緒二十七年正月二十四日

漾電悉執事榮調晉撫欣賀錫中丞在晉一舉一動洋人俱設法  
確探執事履新後果能如來電所云切實辦到風聲所播自可釋  
彼疑慮此時告知各使恐彼未必肯信辦事貴實效不貴空言也  
慶李

寄德州黃道

光緒二十七年正月二十五日巳刻

昨飭將部餉六萬五千解大名練餉局茲楊鎮玉書來稱已欠餉  
九月請全數截留由該鎮派員赴德稟商辦法轉葉道

寄西安

行在軍機處

光緒二十七年正月二十五日

頃接楊使漾寅電刪改約稿如下四款原文中國允於路工云云  
至末句止現改中國爲保東省路工與開辦鐵路事宜並俄交界  
無事起見應與俄商定滿洲兵數及駐兵地方禁軍火入滿洲照  
各國公約辦理目前暫由中國自禁六款全刪七款尾金州自治

之權廢除句刪去八款改云中國在滿洲全境內如未與俄先行  
商明不允他國或他國人造路開礦及一切工商利益十二款改  
云九十八年九月廿八號中國向一私家公司借款造山海關牛  
莊新民廳等處鐵路直至滿洲有背中俄成約現爲酬報此層並  
爲速令滿洲平靖如常起見中國允東省鐵路公司自幹路或枝  
路造一路至直隸滿洲交界處之長城爲止照現行合同辦理句  
各節照屢次電旨與陽電刪改又五款革職字樣現改調離滿  
洲內地巡捕兵與俄商定數目下加地方未經全行平定以前十  
字不用他國人現改祇用中國人十款末句現改中國允照各國  
核准駐京各使擬定賠款意旨與該公司商賠句各節經儒指駁  
而改按原約共十二款改爲十一款原第七至十二款改爲第六  
至十一款外部面交改款欣然稱貴大臣迭次之言昨均面奏奉



諭此次 國書備極懇摯又楊使苦心我均甚感動未便固拒可  
照該使交來駁款儘力刪改等因戶兵因此不敢堅執竟十允其  
九實可爲中國賀今改款經我主批定無可更動於本日起限十  
四天畫押逾期則交收作罷當告以我 大皇帝與儒均感貴君  
臣厚意中俄舊好本無事不可和商但恐各國效尤無以應之伊  
稱此約畫押後當登之官報試問何款可以效尤滿洲我兵力得  
之誰能援例等語謹按屢次電 旨暨陽電各駁款除十一款所  
商未允外十二款雖未允刪亦改去向京字樣又聲明酬報山海  
關鐵路可杜異日購買此路之口其餘逐款照改如四款與商駐  
兵地方卽非到處不准駐兵與專指鐵路邊旁之意尙不相背禁  
軍火照公約亦尙近情六七八等款一一聽命尤有關係儒駁各  
節亦稍爭面子十款尾所改卽與公約所訂相埒之意較有限制

至效尤一層最要者如七八兩款已改十二款聲明緣由亦難藉口總之視原稿刪改過半不但免各國效尤卽蒙古新疆利權已保全不少上賴朝廷之洪福俾儒得稍收脣舌之微效實非初料所及惟十一二款未能就我範圍爲可憾耳二月初七限期迫促外部語氣甚決從違利害有關東省大局乞速請旨裁奪示遵再約稿起首文曰大清國大皇帝大俄國大皇帝因一千九百年中國內亂有損鄰誼現修舊好俾益堅固將關係滿洲各節會同商定云云又卅電約款與本電改款均節去無關緊要之字以便電傳合並聲明乞代奏云劄鴻

華盛頓伍使來電

光緒二十七年正月二十五日到

司快爾事已商外部惟司須託上議紳求總統更佳

豫撫于來電

光緒二十七年正月二十五日到

昨接河北司主教函稱安陽石令撤任有言敝主教授控告使然查客歲拳匪滋擾該令有無縱容保護不力情節尙無實據但此次撤任或係謠傳上聞或兼有別故絕非敝主教授發使然至武安教民遭害刻下訪查明白皆由煤釐局王國佑主謀統率所致前此未經查實請卽查辦等語查前奉貴王大臣勘庚兩次來電以接法畢使函稱現接河南教士信滑縣安陽等處地方官恨惡教士教民請先撤任懲治等因當將石令等撤任並電覆在案茲據前情除飭馮道就近查明武安教案有無王守國佑主謀所致確切查覆再行核辦並函覆司主教將石令撤任緣由告知屬轉達法畢使爲之昭雪外謹電貴王大臣照會法國畢公使知照

蘇撫聶來電

光緒二十七年正月二十五日到

峴帥轉陽真電飭將南漕妥籌運兌辦法遵卽飭議去後茲據司道復稱近年天津官剝攬水短米正苦整頓爲難民剝價重船少又不敷用上年十月內奉號電有擬由火車運京之議自是因時制宜如改火車轉運須查明較官剝節省若干並津通局屋有無被燬及一切情形無從懸揣請派熟悉海運大員馳往察看會同天津道妥籌就近稟謁中堂倉場商辦等情緝掣悉心籌度須周知津通情形而後能定交兌辦法除委員赴津確查會議復辦外謹此奉聞

寄西安 行在軍機處

光緒二十七年正月二十六日辰刻

頃接奉天將軍侍郎等諫電去臘奉咸電 旨增祺暫留盛京將軍之任交收事宜悉聽楊儒辦理等因欽此昨准俄官照會將奉天省城及 福陵剋日交還請派員接收今又准阿提督照會將

俄國暫設遼陽海城蓋平熊岳等處地方官概行裁撤所有事件均交貴國官員辦理請飭照接收等語現在楊儒所議接收條款尚未接到無所遵循正擬請旨遵辦聞該俄官登促照覆謹集同官會議僉以爲陵寢重地城郭人民俄官旣已交還如遲延不接又恐藉口不得不從權派員接管惟宮殿未定何日交出尙有俄兵看守至交收條款仍俟楊儒定議再行遵辦請代奏云

動鴻

寄奉天增將軍等

光緒二十七年正月二十六日辰刻

諫電已代奏俄款卽日定議畫押先行接收極是慶李

寄西安

行在軍機處

光緒二十七年正月二十六日辰刻

頃接英羅使漾電英外部照開嗣主擇正月廿八日見各使照例呈遞國書其路遠國書未到者應敘明將來由外部補遞等語乞

代奏訓示云勳鴻

盛宗丞轉柏林呂使來電

光緒二十七年正月二十六日到

呂使致南洋箇電效號電計覽德於滿洲並無利益英日最  
有關係儻力懇其出而排解事或有濟則德亦不甘居後德  
與俄鄰其不肯爲我開罪於俄勢所必然日爲切膚我若畫  
押未必不先藉口英旣以久約暫約詢俄則英或有辦法海  
屢商外部彼總以飭穆使去京與各使公商爲詞是否助我  
抑另有密意殊難揣測各使儻能公同調停則公約速結再  
商俄約乃爲上策聞德索兵費三百兆馬如西四月以前兵  
不能撤尙須加增曷勝焦憤海密陳箇乞轉樞垣並慶李張  
云

盛宗丞轉小田切致江督電

光緒二十七年正月二十六日到

峴帥屬將小田切梗電准駐俄欽差電駐俄英使向俄政府  
問俄此次所索約款何與去年宣言不同俄外部答新約內  
並無礙中外條約之款且新約不過表明俄國願辦之事仍  
可商議刪改中國願速簽定俄無偏求畫押之意何者聯軍  
未去北京中國未能照舊辦事之前不願交還侵地此聞多  
日不難商辦等語本大臣查俄外部自言新約不過表明俄  
國之願所有條款仍可刪改且言速願簽定此約者並非俄  
國而在中國因此觀之俄國非以決裂爲辭總之俄日後還  
地並非中國簽定此項新約之故實由俄國屢向各國宣布  
在前之故卽將此意密達劉宮保堅持斷勿輕允如允此約  
恐別國亦效尤以致瓜分之禍合併切實聲明等因切懇貴  
宮保速電政府作主施行云

寄西安 行在軍機處

光緒二十七年正月二十六日酉刻

楊使有電漾敬計到千乞祕密外部稱不能再易一字亦不能展  
限或允或否兩言而決呂李覆電均無切實語云慶李

覆彼得堡楊使

光緒二十七年正月二十六日戌刻

漾電刺目處均刪除照允無後患英廷謂與德日美商俄有辦法  
候覆再畫押日謂俄廷並未催畫押係中國自催尤謬皆簧鼓劉  
張以達樞恐爲所惑然阿提督已先撤瀋陽遼陽之兵殊痛快公  
宜加電催促破若輩迷惑

寄倫敦羅使

光緒二十七年正月二十六日

國書現辦面遞不及隨後寄交英新君加冕有期否

江督劉轉倫敦羅使來電

光緒二十七年正月二十六日到

羅使漾電巧遵致蘭侯頃復婉切商催據云現正詰俄並商



德美日中國祇須抱定四國未回信東約不畫押俄尙不至  
別有加害一俟四國商定辦法當卽再告等語乞轉樞並慶  
李張云除分電外謹聞

調晉撫等來電

光緒二十七年正月二十六日到

漾電計呈煊廿六交卸二月初可抵晉接印後必將所傷  
教士教民性命產業查明分別撫卹縱庇拳匪之官紳及拳  
匪渠魁必訪查盡法懲辦惟晉地籌款不能太急急則恐至  
民變現時撫卹各款暫發公款略爲點綴餘俟和局大定續  
籌續賠請告各使及瓦帥務約束各軍毋入晉界致擾良民  
晉邊防營亦嚴飭不相犯現聞德兵已深入至晉之五臺請  
告務撤回爲叩煊兩世受邸相厚恩敢請成全終始大局幸  
甚尊處有熟悉交涉之員及深通英德法文之繙譯生敬懇

揀派數員名來晉至叩是否如此辦理並懇電示

調晉撫岑來電 光緒二十七年正月二十六日到

敬電懇派隨員繙譯務懇迅賜揀派現時晉邊各洋兵係何

國何人統轄並乞電示

晉撫錫來電 光緒二十七年正月二十六日到

嘯巧兩電悉遵已派員撥兵赴豫以商伴護由司酌籌銀二

萬兩俟考甫滿到晉撥給應用並飭潞澤兩府遵辦至口外

教民去冬實已放過米穀和托兩廳另給修房銀兩昨據新

任歸綏道恩銘稟已派員赴鄰垣請沈道敦和轉商主教方

濟眾派得力教士一人來總七廳教堂妥實司事七人分投

查放由官籌等語如此辦理教民想可均霑實惠現復嚴飭

該道妥辦矣統乞轉告公使

寄西安岑雲帥

光緒二十七年正月二十六日

敬有電悉所述保教除匪辦法甚是晉當積疲之後果能切實辦到必為各國所信洋兵自不至深入至隨員精通交涉者甚少繙譯亦無真能得力者未便率爾派去好在晉中過往洋官絕少傳教士大都能通華語繙譯多少不關緊要直晉交界係德法兩國兵至帶兵何人此閒亦無從查考祇可就近探詢也慶李

調晉撫岑來電

光緒二十七年正月二十七日到

敬諭謹悉自當竭力以求實效惟愚昧之性深恐辦理未能盡當一切懇隨時示遵為叩並擬隨帶數營為赴晉鎮壓拳匪餘黨並換滋事防軍如各使見詢請即轉告免致疑慮敬有電懇揀派隨員繙譯可否乞示

江督劉來電

光緒二十七年正月二十七日到

款議細目曾否開送如有關東南鹽漕諸事尙求先賜電示

上海紳商來電

光緒二十七年正月二十七日到

俄約若成中國卽亡士民公憤伏乞據理嚴拒以保危局寓  
滬紳商公電

寄西安 行在軍機處

光緒二十七年正月二十七日午刻

有電悉西例新主卽位駐使應呈遞國書以爲派駐之據茲敬擬

國書一道電呈 御覽俟奉准後卽照向來款式繕妥用 寶

寄交羅使補遞慶李沁恭擬 國書如下 大清國大皇帝敬致

書於大英國大皇帝兼五印度大皇帝陛下朕維交鄰之道著於

古經遣使之文詳於公法矧中國與貴國睦誼夙敦情好彌摯茲

值大皇帝誕登寶位寅紹丕基特命欽差駐紮貴國大臣四品卿

銜羅豐祿呈遞國書表朕修好之意朕稔知該大臣才猷練達秉

性忠誠自派駐貴國以來經辦交涉事件悉臻妥協惟望大皇帝  
推誠相待俾盡厥職尤願大皇帝福祚益宏邦基永固保四海昇  
平之局慰環球企慕之忱從此我兩國信義益敦永好無閒是朕  
所厚望焉

寄西安

行在軍機處

光緒二十七年正月二十七日

頃接楊使敬電羅使覆稱沙侯云德美日尙無覆音伍使覆稱外  
部云已電各駐使婉商未便過強呂李覆未到探聞俄外部告英  
使云俄現商交地章程未變宗旨英使並無詰責之語問答已登  
路透報昨晤美使據云政府前致中國公文謂如許一國利益爲  
中國危曾將此文錄送俄外部儒密詢伊看法如何據云各國詰  
俄須預備決裂中外尙未修好欲遽爲中國出力以敵俄大難等  
語現約款旣經刪改若必待各國排解恐俄未必再讓轉多一異

日之酬勞不可不慮乞並奏

聖裁熟籌決計云請代奏劄鴻

盛宗丞轉西安來電

光緒二十七年正月二十七日到

奉旨奕劻李鴻章濛電悉據楊儒電稱反覆與俄外部爭  
詰已允將前約略爲改動如所改約稿仍有關礙楊儒務當  
乘機按前迭次電旨所指各節再與婉切商改總以不致各  
國效尤貽害爲妥頃據羅豐祿電稱英蘭侯云現正詰俄並  
商德美日中國祇須抱定四國未回信不遽畫押俄不至別  
有加害俟商定辦法再告又據劉坤一張之洞來電日總領  
事梗電云日外部電稱駐俄英使已向俄政府詰以此次所  
索約款與去年宣布之言不符俄答以新約並無有礙中外  
條約之款不過表明俄國願辦之事仍可商議刪改中國實  
願速行簽定俄並無偏求畫押之意惟聯軍未去北京之前

不願卽還侵地是俄並非以決裂爲詞偏求定約聞議和某大臣謂若望俄交還土地必須速定此約其誤甚矣務請堅拒勿允中國如允此約各國必至效尤馴至瓜分而後已是俄經英日詰問俄亦自知理屈與布告各國之語不符中國不難向其商改各等語詳覽各電俄既不認催迫定約並謂中國願速簽押是懾於各國公議有可轉圜之意奕劻李鴻章務須堅持定見婉商俄使設法從容磋磨務臻穩協又據呂海寰電稱各使儻肯公同調停則公約速結再商俄約乃爲上策聞德索兵費三百兆馬如西四月以前兵不能撤尙須加增等語是各國公約宜先迅速議定該親王等迅卽向各國妥議各款早定和局毋再延宕尤爲至要再劉坤一張之洞屢請宣示俄約謂此約係俄自定勒派並非我與商訂

者無妨布告各國言亦近理或將此約交與各使閱看並著酌辦又據張之洞電陳俄約效尤之害一俄路駐兵令我供房屋糧食若效尤則蘆漢粵漢鐵路洋兵布滿中國二東三省祇准設巡捕不准設兵若效尤則京城及直隸全省皆不准設兵三東三省撤臺禁礮若效尤則京師及直隸全省皆無一礮四大綱十二條原有禁軍火一條前與英德使電商須定年限英德使覆電均云可以商酌今東三省另立禁軍火一約與內地有礙五北省沿邊蒙古新疆皆不准中國及他國人開礦造路須商俄人北邊數萬里已非我有假如各國效尤英於長江德於山東日於閩法於滇皆不許中國自開礦路中國全國政治土地理財行兵之權皆爲人有且我於東北西北各省准他國人開礦造路尙是牽制維繫之策



亦不能允俄人阻斷他國之請任其壟斷待其吞噬中國一  
綫生機祇在各國牽制一語豈可自行剗斷六直修鐵路到  
京俄有護兵而不准我設兵此永遠危險不待效尤等語所  
論尙爲透澈奕劻李鴻章楊儒務當詳加參酌總期中國政  
權利權不致全失毋使各國效尤爲斷欽此有除轉俄外

盛宗丞轉西安來電

光緒二十七年正月二十七日到

遵旨電知貴親王貴大學士岑春煊調任山西巡撫係爲  
清理教案起見如各使詢及可卽據實告知勿使生疑該撫  
如有電商之事並希尊處隨時指示俾臻妥協爲要樞宥云

盛宗丞轉西安來電

光緒二十七年正月二十七日到

敬電已進呈英使照稱于蔭霖嫉視西人在鄂撫時辦理不  
善前此晉省教士避難道經晉豫地方官於優待之意相去

逕庭抵楚後方合宜等語彼時晉撫係毓賢豫撫係裕長教士抵楚後款待合宜正于蔭霖任鄂撫之時且交涉皆鄂督之政鄂撫何從辦理不善是英使照會皆係錯誤何得以未經查明之事干預我用人之權應請詳細辯明毋任狡執侵越爲要並祈電覆樞宥云

倫敦羅使來電

光緒二十七年正月二十八日到

宥敬悉英新君加冕報稱明年西曆六月俟見明文再電昨英外部詢天津俄租界四至並畝數朝廷已否批准等語可否見示祈裁聞天津鐵路地址與俄租界有軫轄如可排解爲佳

盛宗丞轉西安來電

光緒二十七年正月二十八日到

奉旨奕劻李鴻章轉楊儒電悉俄約更改在俄尙敦睦誼

楊儒亦頗費磋商惟其中細目尙有窒礙之處恐爲各國藉口如第一款吏治照舊而不及利權兵權應商改爲一切照舊第二款辦到之日止爲日太長應商改爲開辦之日爲止第八款尤關緊要現改仍包括太廣必招各國之忌或於一切工商利益句下添中國自行設法造路開礦等項利益不在此例似此添改無多當尙不難婉商此外如尙有何關礙之處著奕劻李鴻章楊儒再行詳細推敲務臻妥協限期過迫倉猝定議英日美等國尙無回信仍難免藉詞效尤應再婉商展限總之此事關繫大局甚重全賴奕劻李鴻章楊儒彼此電商博訪周諮熟權利害輕重以定畫押遲速俾免俄國及各國別生枝節致貽巨禍是爲至要奉天交還地方著奕劻等電知增祺妥爲接收欽此沁除轉俄外

寄西安

行在軍機處

光緒二十七年正月二十八日

頃俄格使來言專爲傳俄皇諭旨述外部電文云本部面奉諭旨  
前讀中國 皇帝國書以拳匪肇亂實屬中國大錯請我朝廷寬  
容務將約章難行之處概加刪改刻已改定不能增減一字限期  
兩禮拜命外部與中國楊使畫押示各國以大公且見朝廷與中  
國寬容之度儻逾限不畫則東三省由我自便所改約章作爲罷  
論著該大臣電致駐華使臣格爾思詳達照辦勿稍遲延等因語  
畢遽起欲去鴻問尙容我商量否格謂已改之約不能再商已定  
之限若再遲逾禍患甚大又告以英廷現商德美日四國未回信  
勿遽畫押俄廷看此事如何格云俄廷不論他國意見此約畫後  
宣示誰敢攔阻請中國熟思願與俄好則畫押若願決裂聽便鴻  
問尙能展限否格云展限非我敢說亦非我能代傳格去奉沁電

旨仍令商改恐楊使亦難措詞若慮各國效尤照現改之約似不至於貽禍限期初七已滿務求速電畫押以保危局勿多顧慮請代奏除電楊使外飭鴻

寄西安

行在軍機處

光緒二十七年正月二十八日

宥電以岑春煊調任晉撫清理教案屬告知各使惟連日軍情頗有變動十八德兵由阜平入龍泉關撲五臺橫嶺村獲鹿法兵因劉光才屢向東進亦由保正添調千人前往法畢使謂本欲撤兵因晉軍相偪勢難中止須令官兵全回固關交界以保和局俄格使謂現議約款撤兵爲要如法兵先撤德兵必不獨進岑撫於此中機宜真能體會否仍希尊處隨時指示爲要慶李

滬轉西安來電

光緒二十七年正月二十八日到

本日具奏調撥勁旅彈壓京畿摺奉

硃批著照所請樞沁

豫撫于來電

光緒二十七年正月二十八日到

法人斂運積鹽來豫銷售一事當將豫省不能專主照覆法領事並電請核示接奉電覆已經議由蘆商備價贖鹽自行售賣現在未知已否議定即請電覆遵辦

寄豫撫于次帥

光緒二十七年正月二十八日巳刻

感電悉法運私鹽赴豫岸有違定章儘可不理蘆商備價贖鹽尙未商定

寄晉撫岑雲帥

光緒二十七年正月二十八日巳刻

宥電搗謙自當有聞必告十八德兵五臺之戰殊出不意我兵旣退出長城嶺切勿再進嘗敵法兵獲鹿一路亦有退意但彼帥令須我軍退紮長城以內乃可從容撤退隨員繙譯仍無以應命

寄晉撫岑雲帥

光緒二十七年正月二十八日午刻

正定府縣電稟劉鎮光才兵屢向東進駐獲洋兵臉抹不開法師  
巴堯續添兵千人到正卽日赴獲萬一相遇大局攸關速請所有  
官兵全回固關勿許一人一騎東來以保和局爲妥慶李

護甘督何來電

光緒二十七年正月二十八日到

敬電謹悉查蒙軍距甯夏甚遠甘肅四境民教相安實無事  
故除遵諭添派幹員再行詳查外禡電所述係據甯夏鎮道  
部郎查覆相同委屬實情並無一字欺飾請釋鈞注何福堃  
晉撫岑西安來電

光緒二十七年正月二十八日到

頃接上海救急會函云奉鈞諭續募捐款援秦晉實官案請  
獎等語而閱鈔讀請開順直捐疏係援秦晉案惟秦晉此次  
開捐原奏劃出道府及州縣遇缺先花樣今歸新海防較川  
粵江甯等捐稍不合算茲復奏請推廣按四成實銀收道府

捐八成收遇缺先捐並准捐無論何項出身之道府奏中並請將順直捐一律照秦晉推廣已奉批著照所請特電聞請飭辦捐各員推廣核收用副飢溺關懷至意

覆倫敦羅使

光緒二十七年正月二十九日

沁電悉俄索津租界早經奏准四至畝數現正勘查據云鐵路地不佔昨英俄商小有口舌彼可自了

盛宗丞轉西安來電

光緒二十七年正月二十九日到

國書已進呈照擬速辦妥寄羅使樞勘云

盛宗丞轉西安來電

光緒二十七年正月二十九日到

樞勘電奉旨奕劻李鴻章沁轉楊儒兩電均悉俄約雖已多商改然仍有窒礙之處恐爲各國藉口效尤圖我並非望各國助我排解也此約關係利害甚重必須詳細熟籌期限



太促務再商請展期寬以時日從長計議方妥卽如第一款  
吏治一切照舊應刪去吏治二字改爲一切照舊則政權利  
權俱包在內第二款辦到之日改爲開辦之日第十款添中  
國自辦不在此例末款長城鐵路亦須再酌改輕或有詞以  
謝各國昨已電諭會同妥商酌辦此事全賴奕劻李鴻章楊  
儒安訂總期訂約以後各國不至藉詞貽禍爲斷朝廷非必  
堅持也楊儒可明告外部中國深賴俄爲保全所請展限商  
改實恐各國藉口效尤爲害不能不慎重徐商務請見諒爲  
要欽此勘除電楊使外

寄西安

行在軍機處

光緒二十七年正月二十九日

頃據英薩使來言訪聞末款中國向一私家公司借款造山海關  
牛莊新民廳等處鐵路直至滿洲有背中俄成約云此事未聞成

約若何鴻迴憶當時胡燏棻向匯豐借款造關外鐵路合同已定  
巴德羅福來署吵鬧不准借洋款造關外之路備有照會存案因  
係已成之局英又不准違約但謂以後不再借洋款並未互訂約  
據實無所謂成約也議改款時想未深知原委今勘電 旨令再  
酌改輕應將有背中俄成約現爲酬報此層十二字刪改免英藉  
口薩允將此層電政府轉達俄廷並告以俄限太促務請轉致展  
限俾得從容商辦薩索閱俄約全文未經與俄商明未便鈔送務  
乞相機磋磨勿致決裂除電楊使外

一、更治一切...  
 一、...  
 一、...  
 一、...  
 一、...

一、...  
 一、...  
 一、...  
 一、...  
 一、...

一、...  
 一、...  
 一、...  
 一、...  
 一、...

一、...  
 一、...  
 一、...  
 一、...  
 一、...

一、...  
 一、...  
 一、...  
 一、...  
 一、...

一、...  
 一、...  
 一、...  
 一、...  
 一、...

一、...  
 一、...  
 一、...  
 一、...  
 一、...

一、...  
 一、...  
 一、...  
 一、...  
 一、...

李文忠公電稿卷三十三  
 一、...  
 一、...  
 一、...  
 一、...  
 一、...